



ბრძოლა

ყოველთვიური ორგანო საქ. ხელ. - დემ. : «LA LUTTE» — Revue mensuelle du
ქუშ. პარტ. სახელმწიფოებრივ ბიუროსი : Parti Social-Démocrate Ouvr. de Géorgie.

პარიზი, მარტი 1927 წ. N° 21. Paris, Mars 1927

1725
1927

დ ე მ დ ე კ რ ა ტ ი ო ბ კ რ დ ი ო ბ ი

დემოკრატიის კრიზისი ფაქტია. ის იხატება ორი ფორმით: იდეურათ, მისი სამ-
ტრო მოძღვრების გავრცელებაში და პოლიტიკურათ, მრავალ დემოკრატიულ წყობი-
ლებათა დარღვევაში. განსაკუთრებით საყურადღებოა ის სიადვილე, რომლითაც ეს
დარღვევა ხდება. ხშირათ საკმარისია ერთი ღამე, რამდენიმე საათის აფორიაქება, რომ
გამთენიას თავისუფლებიდან დესპოტიაში ამოყვთ თავი.

ანტიდემოკრატიული ქარიშხალი პირველათ ამოვარდა რუსეთში, გადმოიარა
სამხრეთ ევროპაში, უკანასკნელათ წვდა ლიტვას. ქრის მთელ დასავლეთში. ის საერ-
თო მოვლენაა. დემოკრატიას ებრძვის სხვადასხვა ბანაკი. ბოლშევიკური, ფაშისტური,
მილიტარული, ნაციონალისტური და სხ. მარა ებრძვიან ერთნაირი საშუალებებით,
შეხმატებილებული და ხელი-ხელ ჩაკიდებული. მათი დოქტრინა ერთია, მათი პრინ-
ციპები არ ნსხვავდებიან.

დოქტრინა. მათი მოძღვრების ცენტრია შეხედულობა სახელმწიფოზე. მათ
აღადგინეს ძველი მერკანტილური ეპოქის იდეია სახელმწიფოს ყოველად შემძლებლო-
ბაზე, რითაც მაშინ ებრძოდნენ პარტიკულიარიზმს, პროვინციალიზმს და ფეოდალიზმს
და გადმოიტანეს ახალ დროში თანამედროვე საზოგადოების წინააღმდეგ. სახელმწიფო
გამოცხადებულია განყენებულ მცნებათ, აბსტრაქციათ, რომლის ინტერესი სრულიად
არ ფარავს საზოგადოების ინტერესს და არც ემორჩილება მის კანონებს. ყველა კლასი
და წრე ვალდებულია დაიჩქოს ამ ღვთაების წინაშე და მისი მონა-მორჩილი გახდეს.
კლასები გაუქმებულია, მათი ბრძოლა აკრძალულია; მათ მალა დგას მთავრობა და
ის ზრუნავს ყველა კლასზე და მოქალაქეზე. ეს ზეკლასიური მართველობა მოწოდებუ-
ლი თვითთულ პირს მიუჩინოს თავისი ადგილი საზოგადოებაში და ჩააყენოს მუდმივ
ოპეკაში. ამ გზით მყარდება «ბედნიერება» ყველა მათ-საბრძანებელში, მოსკოვიდან
მადრიდამდე.

პოლიტიკა. ამ მოძღვრებას ებრძვის დემოკრატია, მაშასადამე დემოკრატიის
დაქცევით ის გაიმარჯვებს. რა გზით? ერთათ ერთით: პარტიული მონოპოლიით და
მილიტარული ძალმომრეობით. ჭეშმარიტება ხელთ უპყრია ამ ერთ პარტიას, მის
მეთაურებს, მის შეფებს, რაც ხალხს არ ესმის და საჭიროა მას ის ძალით შეასმინონ.
დემოკრატიის აღავს იქერს «შეგნებული უმცირესობა», «მომქმედი ჯგუფი», «რევო-
ლიუციური ინტელიგენცია», ერთი სიტყვით გაბედულნი და მებრძოლი გმირები. ესე-

*) ეს წერილი უკვე დაიბეჭდა ფრანგულ ენაზე პარიზელ «la Vie Socialiste»-ში.
წინანდელი წერილი ნ. — სი: «ახალი პროგრამა» გამოქვეყნდა აგრეთვე ფრანგულ ენაზე
ორ ეურნალში: იმავე «la Vie Socialiste»-ში და ბრიუსელის «l'Avenir Social»-ში, სხვა
წინანდელი წერილებიც გამოქვეყნებული იყო ზოგი ფრანგულათ და ზოგი რუსულათ.
რედაქცია.

ნი არ არჩევენ კლასს და წოდებას, მათთვის ყველა მისაღებია, ვინც კი მათ გაყვება; მათი ლაშქარი ყველა კლასიდან იკრიბება, განსაკუთრებით კი დაბალი კლასებიდან. მუსოლინის პარტიაში დიდი უმრავლესობა მუშები და გლეხებია. პარტია ბატონდება ერზე, მეზობელი მეზობელზე, უმცირესობა უმრავლესობაზე. ძირს ხალხის სუვერენობა, გაუმარჯოს ფაშისტის და ბოლშევიკის სუვერენობას—აი მათი პოლიტიკური დროშა.

ამ ახირებულმა დროშამ მოიპოვა ფართე გამომხატურება; მან შეარყია დემოკრატია. ბურჟუაზიულ დემოკრატიაში წაიროქა ფაშისტის წინაშე, ხოლო მუშათა დემოკრატიაში ბოლშევიზმის წინაშე. რატომ? იმიტომ რომ დემოკრატიაში ვერ გამოიჩინა შესაფერი მოქნილობა ახალ გარემოებათა შესაგუებლათ, ახლათ გადაჯგუფებულ მტერთა გასარჩევათ და მოსაგერებლათ. ის ჩარჩა ძველ ჩარჩოში, ძველათ გაცემული თამასუქებით და შეთვისებული ბრძოლის მეთოდებით, მაშინ როდესაც მისი მოპირდაპირე ბანაკი სრულიად ახალი ფორმაციის და სახისაა.

თანამედროვე დემოკრატია დაიბადა და აღიზარდა თავდა-ახნაურულ და ბურჟუაზიულ უფლება-უპირატესობასთან ბრძოლაში. მის წინ მუდამ იმართებოდა ზღუდენი ტახტის, არისტოკრატის, შეძლებულების. ეს დაბრკოლება მან გადალახა და გაიმარჯვა. ასეთ მტერთან ბრძოლაში ის გამოცდილია, მისი ავან-ჩავანი კარგათ იცის. დღევანდელი მტერი კი ამას სრულიად არ გავს. ძველი დროშა სახელ გატეხილია, ის ჩამოსხნილია. პირიქით, მტერი თვით ებრძვის მას, არ სწამს არავითარი ძველებური პრივილეგიები; დემოკრატის ეპირდაპირება არა მონარქია, არა არისტოკრატია და ბურჟუაზია, არა რომელიმე კლასი და წოდება, არამედ ყველა კლასისაგან გამოკრეფილი ჯგუფი ერთ შეიარაღებულ რაზმით თუ პარტიით გადაქცეული. ეს ხალხი ერთდამივე დროს მიდის მარჯვნივ და მარცხნივ, პოლიტიკური რეაქციის და სოციალური რევოლუციისაკენ. ეს ზეკლასიური თუ კლასთა შუა შეჯგუფებათა ბრძანებლობა ევროპას აქამდის არ უგვმია; მას კარგათ იცნობდა ძველი ანტიური დემოკრატია და ეწოდებოდა დემაგოგია და ტირანია. აი ეს ათინაში და სიცილიაში ერთხელ დამარხული წყობილება ორი ათას ხუთასი წლის შემდეგ დგება და ევროპას ახალ სახარებათ ევლინება; დემოკრატია შედრკა, დაიბნა და მტერს გზა გაუხსნა.

მოხდა დემოკრატის იდეური კრიზისი, პირველ ყოვლისა მუშათა დემოკრატის. მან ვერ გადასწყვიტა ძირითადი საკითხი ეკონომიური და პოლიტიკური მოძრაობის ურთიერთობის შესახებ. შესაძლებელია სოციალური რევოლუცია პოლიტიკური დამონავეებით? მოსკოვმა ასეთი შესაძლებლობა დიდის ზეიმით გამოაცხადა და მუშათა შორის რასკოლი შეიტანა. ზოგი მას მიემხრო აშკარათ, ზოგი შეეჭვიანდა. სოციალისტური აზროვნების საფუძველი შეირყა, მისი კარები ფართეთ გაიღო და შიგ მობოლშევიკო სოციალისტებმა მოიკალათა. დიდი თეორეტიკოსები და ლიდერები (კაუცკი, გედი, აქსელროდი და სხ.) დარჩენ უჯაროთ, მასა გაიტაცა უტოპიამ. ეს კრიზისი გრძელდება დღევანდლამდე; დღესაც საბჭოთა დემაგოგია გამოცხადებულია სოციალისტურ პარტიათა მზრუნველობის საგნათ. მარსელის კონგრესმა ყველა სახელმწიფოსაგან მხოლოდ მოსკოვი გამოყო და თავის მფარველობაში აიყვანა.

მუშათა დემოკრატის ეს იდეური რყევა გადაედვა მის უკან მდგომ წვრილ-ბურჟუაზიულ დემოკრატის, მოწინავე ინტელიგენციას, რომელიც თავის რადიკალიზმს ბოლშევიკებთან არშიყობით ამტკიცებდა. დემოკრატის პირველი სანგრის აღებამ გამოიწვია დანარჩენი ჯებირების აფორიაქება და იდეური არე-დარევა. აქედან დაიბადა პოლიტიკური კრიზისი. დემოკრატული მთავრობა უცებ გადაიქცა უძლურ, უსაქმო, მოლაყებ მთავრობათ. დემოკრატისში გახდა სინონიმით სიძაბუნის, გაუბედაობის, ერთი ადგილის ტყეპნის, სიტყვიერების. რუსეთის დროებითი მთავრობის სენი მოედვა ევროპის მთავრობებსაც, განსაკუთრებით წვრილბურჟუაზიულს და ინტელიგენტურს. გერმანიის და ავსტრიის სოც.-დემოკრატულ მთავრობებმა ბოლშევიკებს ტყვიის-მგრჭეველებით გაუმასპინძლდნენ, მარა შემდეგ ისინიც საერთო ტალ-

დამ გაიტაცა და მოსკოვის სახარებაზე იმედების დამყარება დაიწყო. საზოგადოება ითხოვდა მაგარ მთავრობას, მას უმასპინძლებოდენ ლამაზი სიტყვებით. ბურჟუაზიული დემოკრატია შეშინდა, უკან დაიხია და თან აიყოლია საზოგადოების ერთი ნაწილი. დემოკრატიული მართველობის უკმაყოფილო ელემენტები შეუდგენ ახალი მართველობის ძებნას. ფაშინში დაიბადა.

როგორც ხედავთ, ფაშინში, ისე როგორც ბოლშევიზმი, აღორძინდა დემოკრატიის უძღურებაზე, გამოვიდა მისი იდეური და პოლიტიკური კრიზისიდან. ყოველგან სადაც კი გაბატონდა სიტყვიერი დემოკრატია, ფაშინში გზა გაეხსნა. დემოკრატიის მიერ დატოვებულ პოზიციებს ფაშინტები ეპატრონებიან. ბურჟუაზიული დემოკრატია უარყოფს ფაშინში სოციალურ დემოკრატს, მარა იწონებს მის პოლიტიკურ რეაქციას და კალთაში უფარდება სწორეთ ისე, როგორც სოციალისტური დემოკრატია უარყოფს საბჭოთა პოლიტიკურ რეაქციას, მარა იწონებს მის სოციალურ დემოკრატის და მას ეხმარება. დემოკრატიის ამ ორივე ფრთის პრინციპიალური შეწყვეთ სარგებლობენ მტერთა ორივე ბანაკი და გახურებული მუშაობა აქვთ გამართული დემოკრატიის მთელ ევროპაში დასანგრევათ.

ევროპა ამჟამათ იმყოფება ტირანიის ხანაში, მსგავსათ ძველ საბერძნეთისა მეექვსე საუკუნეში. კლასიური მართველობა იშლება, ჯგუფური მართველობა წესდება. ეს ტალღა ძლიერდება, ახალ-ახალ ქვეყნებში გორდება და დემოკრატიას მესაფლავეთ ვეღვინება. დემოკრატიის დღევანდელი ისტორიული მოწოდებაა—ამ ტალღის დაძლევა, საზოგადოების ისევ ძველ პოლიტიკურ ღიანდაგზე დაბრუნება და ძველი ხაზის და ბრძოლის გაგრძელება. რა გზით შეიძლება ეს? გზა ერთათ ერთია—დემოკრატიის მიერ საკუთარი იდეური კრიზისის დაძლევა, ძველ პრინციპებზე შერჩენა, ძველი მოძღვრების ერთგულება. რაკი ანტიდემოკრატიული ნიაღვარის გადმონეთქა გამოიწვია პირველი ზღუდვების მოშლამ, სოციალისტების შეფორხილებამ, ცხადია გამოსწორება უნდა დაიწყოს სწორეთ აქედან. ბოლშევიზმი და ფაშინში სიამის ტყუპებია; სადაც კი პირველი გაჩნდება, იქ მეორეც ჩნდება და საზოგადოებას მხსნელათ ვეღვინება. სანამ თვით სოციალისტური დემოკრატია არ იტვირთებს ამ მხსნელის როლს, სანამ ბოლშევიზმს თავის აშკარა მტრათ არ გამოაცხადებს და ყოველივე ყოყმანს ამ სფეროში არ უარყოფს, მანამდე ფაშინში ვერ დაითრგუნება და საზოგადოება ვერ გადარჩება მისი ბრუკალებისაგან. ერთი ტირანია ასაზრდოებს მეორეს; მათთან დამოკიდებულებაც მხოლოდ ერთნაირი შეიძლება იყოს. სოციალიზმი არის ერთი, არ შეიძლება ის იყოს ორი; ბაუერის მოსახრება «ბოლშევიზმი საშხედრო სოციალიზმი-აო», სრულიად არ შეესაბამება სინამდვილეს. მას სოციალიზმთან არ აქვს არავითარი კავშირი, არც თეორიული, არც იდეური, არც საშხედრო და პოლიტიკური. ფაშინში მთავარი მეგზურია ბოლშევიზანი; ის უკარავას საზოგადოებას რწმენას დემოკრატიულ მართველობაში და მით ხდის მას მტრის ლუკმათ. იტალიის მაგალითი შორს არ არის. მაქსიმალისტებმა შეინახეს «სისწინდო», მარა პარტია და ქვეყანა დაკარგეს. წმინდა ბერი წმინდათ წაწყდა—ჩვენს გზა არ არის, ყოველგან, სადაც კი სოციალისტური პარტია თავის საქმეს ოდნავათ მაინც შეუკავშირებს მოსკოვს, იტალიის ამბავი გამეორდება. ევროპა საკმაოთ სალი სოციალური ერთეულია, რომ რუსების ექსპერიმენტს არ გაყვეს. ის აქ სამართლიანათ ხედავს დადუპავს, უფსკრულს, და დროებით ეშმაქსაც კი დაუკავშირდება, ოღონდ შიგ არ გადავარდეს. ჩვენი მიზანია ის დაუკავშირდეს სოციალიზმს და არა ფაშინს.

სოც.-დემოკრატიის იდეური კრიზისის დაძლევა მოგვცემს პოლიტიკურ კრიზისის დაძლევასაც. თავისთავის რწმენა იძლევა გაბედულ მოქმედებას. სწორი იდეოლოგია სწორი ტაქტიკის დედაა. თანამედროვე დიდი პრობლემების გადაჭრა შეიძლება მხოლოდ ორ ნაირათ: ბურჟუაზიულათ და სოციალისტურათ; ე. ი. საზოგადოების ან ძალზე უკან დაქანებით ან მედგრათ წინ წაწევით. შუაში გაჩერება, ერთი ალაგის ტყეპნა შუათანა კლასების საქმეა, წვრილი ბურჟუაზიის და განათლებული ინტელიგენციის ხელობაა. უწყინარი, პაციფიური, სულიერი დემოკრატია ამათი მოძღვრებაა. წვრილ-




საქართველოს
საგარეო ურთიერთობების
მინისტრის
სამდივოს

ბურჟუაზიული მთავრობა დღეს წელმოტეხილია, უძლური, უშინაარსო მართველად. მან ყველა საარჩევნო ბიულეტენიც რომ მიიღოს, ძალათ მინც ვერ გადაიქცევა; მისი ორჟოფული კლასიური ბუნება არ შეიცვლება. ის ძალათ იქცევა ერთ პირობაში—მის გვერდზე ამოდგომით ან მარჯვნიდან ბურჟუაზიის, ან მარცხნიდან პროლეტარიატის. ამ ორი დიდი ანტაგონისტური კლასების ხელში ის უკვე რეალური ძალაა. სოციალისტური დემოკრატია ვერ გამოიჩენს ისეთ სექტანტობას, რომ ეს ძალა გადაუგდოს თავის მოწინააღმდეგეს, ვერც ისეთ ოპორტიუნისტობას, რომ თვითონ გაითქვიფოს მასში. წვრილბურჟუაზიულ ქვეყნებში ამ ორი ძალის კოორდინაცია, მოთანხმება ერთ მიმდინარე სოციალურ პროგრამაზე თავდება დემოკრატიის მტრის დამარცხების და რეაქციის საფრთხის თავიდან აშორების. ყველა მართველობა, რომელიც ენერგიულათ არ ერევა კლასთა დამოკიდებულებაში დაჩაგრულთა სასარგებლოთ, ხდება კვარცხლბეკი ფაშიზმის და ბოლშევიზმის. როცა ხალხი ვერ იკმაყოფილებს თავის არსებით მოთხოვნილებებს დემოკრატიის საზღვარში, პირს იბრუნებს დემოკრატიის მტრებისაკენ, ექებს ახალ გამოსავალს, ხდება რეაქციის კლიენტათ. ხალხს რეფორმა, მტერს ბრძოლა—ამ დემოკრატიის გადასარჩენი საშუალება.

ბურჟუაზიული დემოკრატიზმი, ლიბერალიზმი, სამუდამოთ გაკოტრებულია. მისი სოციალური laisser faire, მისი ჩაურევლობა კლასთა ბრძოლაში და ძველ ინდივიდუალიზმზე გაყინება, დღეს ფართე მასისათვის სრულიად მიუღებელია. ამ სფეროში სოციალისტური კრიტიკა საეხებით გამარჯვებული და გამართლებულია. ლიბერალიზმი დაამარცხა სოციალიზმმა. მარა მოხდა ერთი მოულოდნელი ამბავი: ამ ბრძოლის ნაყოფი სოფიალიზმს გამოსტაცა ბოლშევიზმმა და ფაშიზმმა და თვითონ მისსაკუთრეს, ამ მოძღვრებათა ორივე დამაარსებელი—ლენინი და მუსოლინი—გამოვიდნენ ს.დემოკრატიული პარტიიდან და გამოიტანეს იქიდან მთელი სოციალისტური კრიტიკა ლიბერალური დემოკრატიის. მარა ეს კრიტიკა მათ აამუშავეს არა მარტო ბურჟუაზიული, არამედ სოციალისტური დემოკრატიის წინააღმდეგაც და მოინდომეს კლასთა დამოკიდებულებაში ჩარევა ანტიდემოკრატიული, დესპოტიური საშუალებით. ამ ცდას მოყვა არა სოციალური რევოლიუცია, არამედ სოციალური კატასტროფა. რუსეთი ამის აშკარა მაგალითია. ამ ცდამ დიდებულათ დაამტკიცა ორი ჩვენი ძირითადი დებულება: სოციალიზმი შეიძლება იყოს მხოლოდ დემოკრატიული, დემოკრატია შეიძლება იყოს მხოლოდ სოციალისტური.

სოციალური გაკოტრება ლიბერალიზმის, ბოლშევიზმის და ფაშიზმის ობიექტიურათ გზას უხსნის სოციალიზმის ძლევამოსილ მსვლელობას; ხოლო სუბიექტიურათ ამ მდგომარეობის გამოყენება დამოკიდებულთა სოციალისტური პარტიებისაგან. ფაშიზმი იბოგინებს იმდენ ხანს, რამდენ ხანსაც ბოლშევიზმი, ხოლო ეს უკანასკნელი იქნება იმდენ ხანს, სანამ სოციალისტური ინტერნაციონალი ორჟოფობას თავს არ დაანებებს და გადაჭრით არ გამოვა მის წინააღმდეგ. რომის დამარცხება შეიძლება მსჯოვის დამარცხებით.

ნ. ქ.



ბ რ ძ ო ლ ა

საზოგადოთ კაცობრიობის განვითარების ისტორიაში აუარებელ დიდ კატაკლიზმებს ჰქონია ადგილი. ამ მხრივ ვერაფერი ვერ გავვაკვირებს. გვსმენია სახელმწიფოთა ნგრევა, ხალხთა ერთმანეთზე მისევა, აღმოსავლეთის დასავლეთზე გალაშქრება და წინააღმდეგ; ასი წლის ომიანობა, სარწმუნოებრივი სოცვა-ქლეტვა, რევოლიუციონური ომები, ნაპოლეონის ეპოპეია და როგორც მთელი ამ დაუსრულებელ ჭიდილის აპოთეოზი—საერთაშორისო ომი.

მაგრამ დღევანდელი საერთაშორისო სურათი არა ჩვეულებრივ სანახაობას წარმოადგენს. მას წარსულში პრეცედენტი არა აქვს. როცა წინეთ ომი იყო, ყველამ იცოდა, რომ ეს იყო გაშლილ ფრონტზე ბრძოლა: მდგომარეობა სრულიად მარტივი და



ყველასათვის გასაგებარი. ყველამ იცოდა, ვინ ვის გამოუცხადა ომი; იცოდენ ომის დაწყების დატა, მისი პირობები, რა იყო ომის, ყოველშემთხვევაში გარეგნული, მიზეზი; იცოდნენ აგრეთვე სად იყო მოწინააღმდეგეთა მთავარი პოზიციები, მათი უახლოვესი მიზნები.

დღეს კი მთელი ქვეყანა, ბრუნდი და მართალი, ზაგზე გაჰკვივის. ამ ნიადაგზე მთავრობათა დოლია გამოართული; სამ უმთავრეს ქვეყნის საგარეო საქმეთა მინისტრებმა ნობელის საზავო პრემია კი მიიღეს. საბჭოთა მთავრობა ხომ შეურაცყოფილიათ თვის თავის, როცა მის აგრესიობაზე დაიწყებენ ლაპარაკს; ერთი სიტყვით, ყველას ზავი უნდა, ყველა მშვიდობიანობაზე ოცნებობს; სინამდვილეში კი იმათ გარდა, ვინც ძალათ თვალებს იბრმავენს, ყველა ხედავს, რომ დღევანდელი ხანა არის განუწყვეტელი ომიანობის ხანა. მართალია, ოფიციალურათ ომი არ არის გამოცხადებული, ელჩები თავთავიანთ ადგილებზე სხედან, სამობილიზაციო წესები არ აღმუშავებულიათ. პირიქით, ენგევამი შეიარაღების შემცირების კომისია განუწყვეტლივ მუშაობს, ერთა ლიგის სესიები ნორმალურად ტარდება, მაგრამ სწორედ ამ გარეგნულ «მშვიდობიანურ» სახეობის და მის შინაგან, ბრძოლის სულით გაქვნილ შინააღმდეგობით ხასიათდება დღევანდელი ხანა.

აბა გადახედეთ ჩინეთის სურათს, თუ ჩვენ ის არ გვაძლევს უფლებას ვსთქვათ, რომ ორი მოწინააღმდეგე ძალა აქ ჩაბმულია სამკვედრო-სასიცოცხლო ბრძოლაში. ჩინეთის მოძრაობა მეტად რთული მოვლენაა და მისი გამარტივება ჩვენს ანგარიშში არ შეიძლება. საქმის ასე მიდგომა არც თვით ამ მოძრაობის ინტერესებისათვის არის ხელსაყრელი. ჩვენ ვიცით, რომ ამ მოვლენის გამარტივებაში დიდათ არის დაინტერესებული ის ძალა, რომელიც მას დღეს ხელმძღვანელობს. მაგრამ ჩვენ მის სიტყვიერებას ვერ გავყვებით, თუ არ გვინდა მანში ჩავებათ და პერსპექტივები დავინახოთ. იმდენათ, რამდენათაც ჩინეთის ხალხი განმათავისუფლებელ ბრძოლას აწარმოებს. მთელი ჩვენი თანაგრძობა და სიმპატია მის მხარეზეა. ვინ გაუგებს უფრო ადვილათ ჩინეთს, ამ უდიდესს ერს, თუველეს კულტურის მატარებელს, დღეს უცხოეთის მძიმე უღლის ქვეშ მგმინავს, თუ არა ქართველი ერი, რომელიც გარეშე მტერთან ბრძოლაში სისხლიდან იცლებს? ამ მხრივ ჩვენი პოზიცია-დიდი ხნიდან გარკვეულია. მხოლოდ საქმე იმაშია, რომ ჩინეთის ეროვნულ მოძრაობას ლამობს დავატაროთ ისეთი ძალა, რომელიც მისი ბუნებრივი და შეურიგებელი მტერია. დღეს იმპერიალისტებს შორის ყველაზე დიდ საშიშროებას ჩინეთისათვის მოსკოვი წარმოადგენს. ეს უკანასკნელი ევროპასთან და განსაკუთრებით ინგლისთან ომს აწარმოებს. ომი ვაშლიდ ფორტზე მისთვის შეუძლებელია, ამიტომ ის ჩინეთის ეროვნულ მოძრაობას ამოეფარება და აქედან ახდენს თავდასხმას. სხვისი სისხლით ვაჭრობა, სხვის ზურგზე თავის შავბნელ საქმეების კეთება—ეს ხომ ბოლშევიკების ბუნებაა და სწორედ ამაშია სუსტი მხარე იმ თავისთავად კეთილშობილურ მოვლენისა, რომელსაც ჩინეთის რევოლიუცია წარმოადგენს. ბრიტანეთის ქვეანაშობის მოძრაობის მუშათა გაფიცვაც ხომ მოსკოვის ვაგლენის მსხვერპლი გახდა. კუკი, ამ მოძრაობის მეთაური, არც მეტი არც ნაკლები—მოსკოვის ავანტი გამოდგა და სწორეთ მისმა ტაქტიკამ მოგვცა შედეგათ: 117 მილიონი ტონით ნაკლები პროდუქცია, 147 მილიონი დაკარგული სამუშაო დღე; 7 ნახევარ მილიარდ ფრანკით ნაკლები ხელფასი; 10 პროც. ხელფასის დაკლება; ერთი საათით სამუშაო დღის გადიდება და ორას ათასს მუშის უმუშევრად დარჩენა. ჩვენ მეითხველს კარგათ ახსოვს შიში, რომელსაც ჩვენ გამოვთქვამდით. სამწუხაროთ ეს შიში გამართლდა და ყოველივე ეს ნაყოფია მოსკოვის პროვოკატორულ როლის ინგლისის გაფიცვებში. ასეთივე შიში გვიპყრობს ჩვენ, როცა ბ. შენის (კანტონელთა საგ. საქმეთა მინისტრია) უკან ვხედავთ ბოლშევიკების ავანტის. ვიღაც ფსევდონომ ბოროდინის ცხვირს.

კიდევ კარგი თუ საღმა გონებამ გასჭრა და კომინტანგის (ჩინეთის რევოლიუციონური პარტია) წიაღში გაიმარჯვა ზომიერ ეროვნულ ელემენტებმა. თუ ეს მოხდა—და ეს არც ისე უიმედოა—მაშინ ჩინეთის მოძრაობა თვით გადახარშავს იმ საწაშლავს, რომელსაც მოსკოვი მას შეუბრალებლათ უშხაპუნის და ეროვნული ბრძოლა კი მიიღებს ნორმალურ მსვლელებას; ამ პირობებში მისი საბოლოო გამარჯვება უზრუნველყოფილია; წინააღმდეგ შემთხვევაში, ჩვენ თამამად შეგვიძლია ვიწინასწარმეტყველოთ, რომ ამ მოძრაობას ისეთივე ბედი მოეღოს, რაც მოსკოვის სხვა ავანტიურებს ეწვია. ევროპაში დამარცხებული მოსკოვი აზიაში რევანსს ვერ აიღებს; ვინც ამას ვერ ხედავს, მას პოლიტიკის არა გაგებაა რა.



მოსკოვი აწაიში ევროპას ცეცხლს უნთებს; ის იქ «დიდ» პოლიტიკას აკეთებს; ამავე დროს აქ ევროპაში პატარა საქმეებსაც არ ივიწყებს. სანამ კრედიტების მიღების იმედი საესებით არ გამქრალა, მისი აგენტები «საქმიანობენ». რაკოვსკი პარიზში დაბრუნდა და რუს-ფრანგების კომისიამ მუშაობა განაახლა. ჯერჯერობით მთელი ეს მუშაობა ერთ საჯარო სხდომაში გამოიხატა. არც დემონსტრაციის (კომისიის თავმჯდომარეა) და არც რაკოვსკის არ ეტყობა დიდი ენტუსიზაზმი. რუსის სოვეტის არ იყოს, «დოკტორული ოგნი; ობოლტელი ცვეტი», და როგორ არ ჩაქებოდა ცეცხლი, როდესაც რაკოვსკის პუანკარესთან აუდიენცია რვა წუთი გაგრძელდა და ჩვენი ცნობით საფრანგეთის პრემიერმა ჩვეულებრივი პირდაპირობით დაუსვა საკითხი ბ. ელჩს: თუ ახალი ინსტრუქციები არ ჩამოგიტანიათ, კომისიაში მასალათი დროს დაკარგვართ. ან რა იმედი უნდა ქონდეს მოსკოვს საფრანგეთის, როცა რუსეთის მევაღეების კანგრესი 28 მარტს ერთხმად ადგენს: «იღებს რა მხედველობაში ორი წლის სრულიად უნაყოფო მოლაპარაკება; აგრეთვე იმ საფრთხეს, რომელსაც საბჭოთა დელეგატების მიერ დაქვრივლი ოგნიცია უმზადებს საფრანგეთის საზოგადო და წევობრივ პრინციპებს.—კონგრესი წინადადებას აძლევს საფრანგეთის მთავრობას მისცეს საბჭოებს განსაზღვრული ვადა, რომელშიაც ისინი ვალდებული არიან ან მიიღონ ან უარყონ საფრანგეთის მოქალაქეთა ზარალის აღდგენა. უკანასკნელ შემთხვევაში საფრანგეთის მთავრობამ უნდა უპასუხოს ენერგიული წომეებით დიპლომატიური კავშირის გაწყვეტამდე». ამავე კონგრესის სხდომაზე წაითხულ იქმნა პუანკარეს წერილი 1927 წლის 27 იანვრის თარიღით, საიდანაც სჩანს, რომ მთავრობა საბჭოებთან მორიგების პირობათ სთვლის საფრანგეთის მოქალაქეთა ზარალის ანაზღაურებას. ეტყობა, მოლაპარაკების განახლებული სესია ისევე დასრულდება, როგორც შარშან, იმ განსხვავებით, რომ ესლა ექსპერტთა შორის საქართველოს «დელეგაციც», ცნობილი ფინანსისტი სვანიძეა და «კომანდიროვჩინით» ისიც მოითბობს ხელს.

მ. ბ.



უ ა ღ გ ი ლ ო გ ა მ ო ლ ა მ ქ რ ე ბ ა .

ფრანგულათ დაიბეჭდა ბ-ნ რეიმონ დიუგეს წიგნი სათაურით: «მოსკოვი და წამებულ საქართველო.» სათაური გვაძლევდა საბუთს გვეფიქრა, რომ წიგნი იქნებოდა მიმართული მხოლოდ მოსკოვის ძალმომრეობის წინააღმდეგ, დამოუკიდებელი საქართველოს და მისი წყობილების დასაცავათ. ნამდვილათ კი წიგნი პირველ ყოვლისა მიმართულია საქართველოს ნაციონალური მთავრობის, სოციალდემოკრატიულ პარტიის და გვარდიის წინააღმდეგ, ე. ი. თავისუფალი საქართველოს მთავარი შემქნელნი და მესვეურნი ათვალწუნებულია, სხვა ძალები და პარტიები მოხსენებულნიც არ არის და ყველა მათ ალაგას წამოყენებულია ერთი პირი, რომელსაც თურმე შეეძლო საქართველო გადაერჩინა და მას კი ეს არ დაზნებეს. ეს პირია ლენინური კვინიტაძე:

გამოდის რომ საქართველოში აღარაფერ ყოფილა, არც შენერალი, არც ოფიცერი, არც პოლიტიკოსი, არაფერ მცოდნე და თავდადებული, გარდა ბ. კვინიტაძისა.

რა საბუთებზე აძყარებს ავტორი ამ თავის ახირებულ პრეტენზიას? ბ-ნი დიუგეს საქართველოში არ ყოფილა, მან ქართული არ იცის, ქართული წყაროები მისთვის დასურულია. მთავრობის არქივისათვის, რამდენადაც ჩვენ ვიცით, მას არ მიუშვართავს; მაშასადამე მას დარჩა ერთად ერთი წყარო: ყურმოკრული ამბავი, ნაცნობებში მოკრებილი ზეპირი ცნობები, ცნობილი ქართული ფანტაზია და პარტიული თუ პირადი ინტრიგები.—ერთის სიტყვით, ყოველგვარ ის წყარო, რომლითაც ცოტაოდნათ მაინც მიუდგომელი მკვლევარი არასოდეს არ სარგებლობს. და თუ სახეში მივიღებთ წიგნის შინაარს და მიმართულებას, ბ-ნ დიუგეს წყაროს დასახელებაც ადვილია: ეს გახლავს ის პირები, რომელთა ქებათ-ქებით ეს წიგნი აღსავსეა. ბ-ნი დიუგეს შეიქნა იარაღი აი ამ ხალხის თავის განდიდების და პირადი თავმოყვარეობის დაქმნაყოფილების.

ბ-ნ დიუგეს, ჩამოერია რა ასე ცალმხრივთ ჩვენს შინაურ ურთიერთობაში, უტყუარ საბუთებით მაინც უნდა ესელმძღვანელა. მაგრამ საკმრისთა მოვიყვანათ მისი წიგნიდან რამოდენიმე მაგალითი, რომ აშკარა გახდეს მისი ინფორმატორების სიყალბე.

დავიწყეთ წინასიტყვაობიდან. ბ-ნ დიუგეს ალბათ თავისი ქართველი ინფორმატორების ავტორიტეტი საქმათ არ დაუნახავს და დასახმარებლათ მოუწოდებია პოლკოვნიკი სტოკსი, რომელიც ჩვენში ინგლისის წარმომადგენლათ იყო. ბ-ნი სტოკსი უდასტურებს ბ-ნ დიუგეს-კვინიტაძეს და კომპანიას, რომ საქართველო სწორეთ



სოციალისტებმა დალუპეს. ამათ, რასაკვირველია, თავში არ მოსვლიათ უბრალო საკითხი: როგორ მოხდა, რომ კავკასიის ის რესპუბლიკებიც კი, რომელსაც მართავდნენ არასოციალისტები, სოციალისტურ საქართველოზე ადრე დაილუპენ. და თუ ვერც ბურჟუაზიულმა მთავრობებმა შეაკავეს კავკასიაში თავიანთი რესპუბლიკები, ცხადია აქ მიზეზია არა პარტიული შემიღებლობა ამა თუ იმ მთავრობის, არამედ გაცილებით უფრო ღრმა და ზოგადი პირობები. ბ-ნი სტოკსი ამას არ ხედავს და არ ხედავს იმიტომ, რომ ამის დახანჯვა მისთვის დიდად სასარგებლო არ არის. აქ ის პირწმინდათ ბაძავს მეორე ინგლისელს, ბ-ნ პერსელს, რომელმაც თავის ცნობილ წიგნში ბაქოს კომისართა დახვერტა იმიერ-კასპიის მხარეში გადააბრალა მენშევიკებს და ამით ხელი დააფარა ინგლისელებს. ბ-ნი სტოკსიც ხელს აფარებს ლოიდ ჯორჯის კავკასიის პოლიტიკას, რაიცა შეიძლება ჩაითვალოს მთავარ მიზეზათ მსოფლიოს გამოლიშვრების. ეს პოლიტიკა ცნობილია და არც არავისთვის საიდუმლო აღარ არის: ლოიდ ჯორჯმა კავკასია აღიარა რუსეთის სფეროთ ვერ სიტყვიერათ, კრასინთან მოლაპარაკებაში, როგორც ეს ჩიჩერინმა გამოაქვეყნა, და შემდეგ წერილობით, რუსეთთან დადებულ სავაჭრო ხელშეკრულებაში, იმ იმედით, რომ მოსკოვი დაეკავშირებია ოსმალეთის წინააღმდეგ, ამ ბეცი პოლიტიკიდან რაც გამოვიდა ქვეყანამ იცის: ის სავსებით დამარცხდა და მასთან ერთად დამარცხდა ინგლისში ლოიდ ჯორჯი და მისი პარტია. შეიძლება ეს დიდი პოლიტიკა ქართველ რეაქციონერებმა არ იცოდნენ და მათ ამას ვერც მოვსთხოვეთ, მაგრამ ბ-ნმა სტოკსმა კი ძალიან კარგად იცის და სიტყვის ბანზე ავადება ამ სინამდვილეს ვერ დაფარავს.

ამ ჩინებული წინასიტყვაობის შემდეგ იწყება მეორე წინასიტყვაობა თვით ბ-ნი დიუგესი. აქ ავტორი, სხვათა შორის, აბუჩათ იღებს ჩვენს სახალხო გვარდიას, რომელზედაც, რა თქმა უნდა, მას არავითარი წარმოდგენა არა აქვს. ნამდვილათ კი, თუ არა ჩვენი მუშათა გვარდია საქართველოს ეროვნული განთავისუფლება ყერ მზნდებოდა, — პირიქით, მისი გასაბჭოება მოზდებოდა ჯერ კიდევ 1917 წლის ბოლოში, როცა თფილისში 35.000 გამბოლწვიკებული რუსის ჯარისკაცი იდგა; ესენი მხოლოდ თფილისის მუშათა საბჭომ და მისმა გვარდიამ ალაგმა და შინ გაისტუმრა. უგვარდიოთ არ შეიძლებოდა არც ქართული ჯარის შედგენა. ყველამ იცის, რომ სწორედ გვარდიამ განაიარადა პირველი ქართული გახულიგანებული პოლკები. საზოგადოთ დამოუკიდებელი საქართველოს მთავარი შეიარაღებული ძალა დიდხანს იყო სახალხო გვარდია და მხოლოდ მისი დახმარებით და მხარველობით იწყება მუდმივი ჯარის შედგენა. და თუ ეს პროცესი არ დამთავრდა, ამის მიზეზი იყო მოსკოვის თავდასხმა. ბ-ნი დიუგეს უნდა მოეხსენებოდეს, რომ მუდმივი ჯარის ამართ დარჩენა არა თუ ჩვენ, პოლონეთმაც ვერ შესძლო იმ ხანებში.

ბ-ნი დიუგე თავის თავს ნებას აძლევს დაეყრდნოს ბ-ნი ავალიშვილს, რომელმაც საქართველოს დამოუკიდებლობა აბუჩათ აიღო თავის ცნობილ წიგნში. მარა ბ. ავალიშვილი აქ რჩება ლოლიკაში: ის ებრძვის არა მარტო ჩვენს პარტიას, არამედ ამასთანავე თვით საქართველოს თავისუფლებასაც. მხოლოდ ბ-ნი დიუგე ემყარება რა ასეთ ავტორიტეტს, იმავე დროს იცავს დამოუკიდებელ საქართველოს. განსაკუთრებით ბ-ნი დიუგეს მოყავს ავალიშვილის წიგნის ის ნაწილი, სადაც დაგმობილია ჩვენი აგრარული რევოლიუცია და დაცულია ძველი, ფეოდალური მიწათმფლობელობა. ბ-ნი დიუგე თავის მხრით სკენის, რომ «საქართველო განდა მსხვერპლი სოციალისტური ექსპერიმენტების»; ერთი სიტყვით, ბ-ნი დიუგე, სტოკსი, ავალიშვილი და მათ ზურგს უკან მდგომი ძველი კვი დროის მოტრფილავ ქართველი საქართველოს საკითხს უდგებია არა ნაციონალურის, არამედ ვიწრო კლასიური თვალსაზრისით. შეადარეთ ესლა ამათ მეორე უცხოელი ავტორი, რომლის წიგნი ფრანგულათ ბ-ნი დიუგეს წიგნთან ერთათ დაიბეჭდა ამ სათაურით: «თავადი ტარიელ. ქართული რომანი». თხზულება ოდენტ კენის. აი ეს მანდილოსანი ჩვენ ქვეყანაში ჩვენს დროს ნამყოფი ამ თავის საუცხოვოთ დაწერილ წიგნში ქართულ საკითხს უდგება არა პარტიულის. არამედ ზალხური, ნაციონალური თვალსაზრისით. ის აგვიწერს შესანიშნავ ნიჭიერათ იმ ინტერნაციონალიურ ინტრიგას, რომელიც იქსოვოდა თავისუფალ საქართველოს ირგვლივ და რის მსხვერპლი, მართლაც, ჩვენი ქვეყანა გახდა. ამ რომანის გმირი, თავადი ტარიელი, ახალგაზდა მებრძოლი მხედარი, თავის ძველი აღთქმის ბიძას, მიწების - მორთმევის უკმაყოფილოს და ოსმალეთისაკენ მაცქერალს. ეუბნება: დიან, ამ სალაშა (ე. ი. ს. ა. ც. - დემოკრატებმა) ჩვენ მიწები ჩამოგვართვა, თავად-აზნაურობა მოსპო, მარა

საქართველოს
საბჭოთაო
საგარეო
მინისტროს
საგარეო
კავშირების
სამსახური

მათ მოგვეცეს გაცილებით მეტი ვინემ მიწა, ვინემ ჩვენი წოდება: მათ გაანთავისუფლეს ჩვენი სამშობლო და მეც ამ მთავრობას ვემსახურებო. აი ასეთია 26 მაისის ქართველი თავადი. ხოლო ეს ავალიშვილები და ძმანი მათნი ნიკოლოზ მეფის თავადებია. და რაცა ამათ. დიუგე ემყარება. უნდა ვთქვათ ორში ერთი: ან ის მეტად გულუბრყვილოა და ამ ხალხის ბრმა იარაღია, ან და ახალი საქართველოსი არც მას არაფერი სწამს, ისე როგორც არაფერი სწამს მის ავტორიტეტს. ბ-ნ ავალიშვილს.

ბ-ნი დიუგე თავის წიგნის ისტორიულ ნაწილში ბევრ მართალს ლაპარაკობს და რომ ის ამ ნაწილით დაკმაყოფილებულიყო, წიგნი უქვევლია სარგებლობას მოგვეტანდა. მაგრამ სამწუხაროდ წინასიტყვაობაში აკვიატებული აზრი—სოციალისტებმა დაღუპეს საქართველო, ავტორს არ შორდება და ამ ისტორიულ ნაწილშიაც ათქმევინებს იმას, რაც მოკლებულია ყოველივე ისტორიულ საფუძველს. საქმარისია მოვიყვანოთ ორი მაგალითი. ავტორის აზრით. საქართველოს მთავრობამ დიდი შეცდომა ჩაიდინა ზავის ჩამოგდებათ ბოლშევიკებთან ფოილოში 1920 წლის მაისში. მისი აზრით ჩვენ თურმე შეგვეძლო მტრის დამარცხება არა მარტო საქართველოს საზღვრებზე, არამედ მათი გარეცა აზერბეიჯანიდანაც და ჩრდილოეთ კავკასიიდანაც. ვითომ ამ აზრის იყო სარდალი კვინიტაძე და ამის გამო ის თანამდებობიდანაც გადადგა. მთელი ეს მტკიცება ბ-ნი დიუგესი ან მის ზურგს უკან მთხრობელის სრული ფანტაზია. ჩვენ მიერ ოცნის გადატანა აზერბეიჯანში მოითხოვდა ორ პირობას: ომის ტენიკურ და პოლიტიკურ შესაძლებლობას. არც ერთი ეს ჩვენ მაშინ არ მოგვეპოებოდა. პირველის შესახებ ძალიან კარგად მოესწინებოდა თვით ბ-ნ კვინიტაძეს: ომი უიარაღოთ ჭკვაში მყოფელთ არასადეს უწარმოებიათ. რაც შეეხება მეორე შესაძლებლობას, ეს კარგად იცოდა მთავრობამ. მან იცოდა, რომ აზერბაიჯანში ბოლშევიკების შემოსვლა იქნა მოწყობილი ოსმალეთის ემისრების მიერ, ოსმალეთ-რუსეთის დასაკავშირებლათ. აზერბეიჯანი გახდა სწორეთ ამ ოსმალური პოლიტიკის მსხვერპლი და ის მაშინ არც კი ფიქრობდა ამ პოლიტიკის უკუგდებას. მთელ ამ საქმეს დოკუმენტალურათ აეხადა ფარდა შარშან ანგორის სასამართლოში, სადაც «ახალგაზდა თურქების» წარმომადგენელთ ჯავიდ ბეის და სხვებს ასამართლებდენ. და თუ ეს კიდევ დღესაც არ იცის ბ-მა დიუგემ, ეს იმიტომ, რომ ის უკრიტიკოთ უჯერებს ჩვენი ძველი აღთქმის თავადებს. რომლებიც მისტირიან თავის მამულს და არა თავის სამშობლოს. რაც შეეხება ბ-ნ კვინიტაძეს, ის ფოილოს ზავის შემდეგ არა თუ არ გადამდგარა, არამედ დარჩა სამსახურში კიდევ რამოდენიმე თვის და მხოლოდ შემოდგომაზე დაინიშნა სხვა პოსტზე.

მეორე საყურადღებო მომენტი, რომელსაც ბ. დიუგე ეხება, ეს არის ჩვენ მიერ თფილისის დატოვება. როგორ მოხდა რომ ჩვენმა გამარჯვებულმა ჯარებმა უკან დაიხიეს და დამარცხებულ მტერს ბრძოლის ველი დაუტოვეს? ბ. დიუგე ამას ხსნის იმით, რომ 24 თებერვალს საღამოთ თფილისი უკვე იყო ბოლშევიკების ჯარების მიერ შემოქალტული. მათ ხელში უკვე იყო გადასული სადგური ავჯალაო. მაგრამ, ეს რომ ასე ყოფილიყო, მაშინ ხომ დახვეცა შეუძლებელი გახდებოდა! საღაგურ ავჯალაოში და მის სიახლოვეს მტერი არ გამოჩენილა. ვარდა 3 მხვერავისა, რომელთაგან ერთი იქვე მოკლეს და 2 დაჭრილი გაიქცნენ. ავტორი სავსებით დალატობს ისტორიულ სიმართლეს და ეს ალბათ იმიტომ, რომ ვიღაცას ესპურობდა დაამტკიცოს თფილისის დატოვების სამხედრო აუცილებლობა. ბ-ნ დიუგეს ჩვენ ვურჩევთ კარგად მიიკითხ-მოიკითხოს ეს ამბავი და მაშინ საინტერესო რამეებს გაიგებს.

ჩვენ არ შეუდგებოთ წიგნის უფრო წვირილმან შეცდომების აღნუსხვას. რითაც ის სავსე არის და არ შეიძლება არ იყოს ასე ზეპირათ დაწერილი ისტორია. მხოლოდ ვიტყვი, რომ პერსონალური მომენტით ისეა გატაცებული ავტორი, რომ დიდ ბრძოლებს, სადაც გენერალი კვინიტაძე არ ერია, არც კი იხსენიებს, როგორც მაგალითად ჩლოლოქისას, ხოლო სოღანლულის ამბავს იხსენიებს გაკვრიო.

დასასრულ უნდა ვთქვათ, რომ ბ-ნ დიუგეს საქმაო ენერჯია და ხარჯი გაუწევია ამ წიგნის შედგენით და გამოცემით. მას უქვევლია ჩვენი ქვეყნისათვის კეთილი სურვებია, მაგრამ საუბედუროთ ის ჩავარდნია ხელში უპასუხისმგებლო პირებს, რომელთაც კერძო თუ ჯგუფური მოსაზრებით ეს სურვილები მისთვის გაუმრუდებიათ. ავტორს ჩვენ ვურჩევთ ამ თავის წიგნს მოაშოროს თავისი უაფილო წინასიტყვაობები. შეასწოროს ისტორიული შეცდომები, შეხედოს საქართველოს საკითხს საქართველოს ნაციონალურის და არა პარტიული თვალსაზრისით და მაშინ ასეთ ნაირათ შეცვლილი წიგნი თავის სათურსაც გაამართლებს და ქართულ საქმესაც სარგებლობას მოუტანს.

გ რ ე ვ ნ უ ლ ი მ ო ძ რ ა ო ბ ი ს ვ ზ ე ბ ი .

ჩაგრული ერების ნაციონალური მოძრაობის მთავარ ძალას პირველ ყოვლისა საკუთარი ეროვნული ძალები წარმოადგენენ. რაც უფრო მაღლა სდგას ჩაგრული ერი კულტურულათ, რაც უფრო ეკონომიურათ იგი ძლიერია და პოლიტიკურ-ეროვნულათ შეგნებული და შეკავშირებული, მით უფრო ადრე აღწევს თავის მიზანს. ასეთ ერს ყველა დიდ ანგარიშს უწევს: გაბატონებული ერი დათმობაზე მიდის, ხოლო გარეშე ძალებში განმათავისუფლებელი ეროვნული მოძრაობა გამოძახილსა და თანაგრძობას პოულობს.

ცხადია, საკუთარი ძალა ეროვნული მოძრაობის მთავარი ფუძე და პირობა არის. ამიტომ, ვისაც სურს თავის ერის განთავისუფლების საქმეს ემსახუროს, მან პირველ ყოვლისა ეროვნული ძალების ყოველმხრივ განვითარებაზე უნდა იზრუნოს. ამ ძალების განვითარების სისწორით ვაგებთ—გათვალისწინება და ამის და მიხედვით სამოქმედო ტაქტიკის გამომუშავება, აი მანე უნდა აავონ უწინარეს ყოვლისა ერის ხელმძღვანელმა პარტიებმა თავისი სამოქმედო პოლიტიკა.

მაგრამ იმისთვის, რომ ერი საეხებით განთავისუფლდეს სხვისი ჩაგვრისაგან, მოიპოვოს დამოუკიდებლობა, მარტო შინაური ძალები არ კმარა. იმპერიალიზმის ხანაში, როდესაც საერთაშორისო ინტერესები მეტათ დახლართულია, როდესაც ყოველი ადგილობრივი საკითხი მხოლოდ ერთი რგოლია საერთაშორისო პოლიტიკისა, კითხვას წყვეტს არა მარტო შინაური ძალთა განწყობილება, არამედ—საერთაშორისოც.

როგორი მომზადებულები არ უნდა იყოს ერი თავისი საკუთარი ძალების მხრით, როგორი თავგანწირვითაც არ უნდა იბრძოდეს იგი დამოუკიდებლობისათვის, ის მიზანს ვერ მიაღწევს. თუ საერთაშორისო ძალთა განწყობილება მის მხარაზე არ არის, თუ გარეშე ძალა მას არ თანაუგმნობს და არ ეხმარება. ისტორიამ ძვირათ იცის მარტო საკუთარი ძალით განთავისუფლებული ერის მაგალითი.

პოლონეთმა თავისუფლება მოიპოვა მხოლოდ მას შემდეგ, რა რომ -საერთაშორისო მდგომარეობა მის სასარგებლოთ შეიცვალა. ჩეხო-სლოვაკთა პარტიოტები ვერ ეღირსებოდენ დამოუკიდებლობას, რომ ამაში მათ ანტანტა არ დახმარებოდა. ბალკანეთის ერები ვერ განთავისუფლდენ ოსმალეთის ბატონობისგან თავს, რომ ევროპა ოსმალეთის წინააღმდეგ არ ყოფილიყო. დამოუკიდებელი პოლონეთი, ჩეხოსლოვაკია, ფინლიანდია, ლიტვა და სხვანი არიან არა მარტო ეროვნული ძალების ბრძოლის შედეგი, არამედ—საერთაშორისო ძალების ინტერესთა შეჯახებისა. ძნელი სათქმელია, რომელი ელემენტი თამაშობდა გადაამკრელ როლს, როცა ამ ერების დამოუკიდებლობის ბედი იქედნობდა. რასაკვირველია, რომ პოლონეთი ეროვნულათ დარბაზული და ძლიერი არ ყოფილიყო, მას ვერაშე ძალა ყურადღებას არ მიაქცევდა, მაგრამ ისიც ცხადია, რომ პოლონეთმა ვერ მოიპოვა დამოუკიდებლობა, მიუხედავთ მისი თავგანწირული ბრძოლისა მანამ, სანამ საერთაშორისო პირობები მისთვის ხელსაყრელი არ შეიქნა.

ყოველივე ეს გვეუბნება, რომ ჩაგრული ერის განთავისუფლების პოლიტიკა მუშავდება საშინაო და საგარეო მდგომარეობის-და მიხედვით. ამ ორი მომენტის სისწორით დაფასება, ერთი მეორისთვის შეფარდება და შესამება, აი სწორი ეროვნული პოლიტიკის მთავარი ძარღვი. რასაკვირველია ეს ადვილი საქმე არ არის, ეროვნული პოლიტიკა ვაცილებით უფრო რთული და დახლართულია, ვინემ კლასიური.

ნაციონალური მოძრაობისთვის ეროვნული ძალების დარაზმვა უწინარეს ყოვლისა მოითხოვს მეტათ მოქნილ ტაქტიკას, რათა შესძლო ეროვნული ძალების მაქსიმალურათ გამოყენება. ამავე დროს საჭირო არის მეტის მეტი სიფხიზლე და გამოცდილება, რომ ეროვნული მოძრაობა, ერის რომელიმე კლასმა თავისი კერძო კლასიური ინტერესებისათვის არ გამოიყენოს. ისტორიამ ამის მრავალი მაგალითი იცის. ამ შემთხვევაში დიდი მნიშვნელობა აქვს მას, თუ რომელი კლასი ხელმძღვანელობს მოძრაობას. იქ, სადაც მუშათა კლასი ძლიერია და ერის მთავარ ძალას დემოკრატია წარმოადგენს, როგორც ეს საქართველოში იყო და არის, კითხვა ამ მხრით ადვილათ წყდება,—მთელი მოძრაობა ფართო მასიურ ხასიათს ღებულობს და ეროვნული ძალების

საერთო მტრის წინააღმდეგ დარახმვა შესაძლებელი ხდება. დემოკრატია უმეტეს შემთხვევაში ეროვნულ მოძრაობას სწორ კალაპოტში აყენებს.

კიდევ უფრო ძნელი არის სახელმწიფოთა წინააღმდეგობაში გარკვევა და საერთაშორისო მდგომარეობის სისწორით დაფასება. იმპერიალიზმის ჩაგრული ერებისადმი მზრუნველობა უანგარო არ არის. მისი დიპლომატია მეტათ გამოცდილი და მოხერხებულა, იგი ხშირათ იყენებს დაჩაგრული ერის მოძრაობას თავის სასარგებლოთ და შემდეგ მას გამოჭურულ ლიმონსავით ისვრის გვერდზე. სომეხთა ერის ბედი ამ მხრით ყველასთვის დიდი გაკვეთილია.

მეორეს მხრით ჩვენ ვიცით ჩეჩიის მაგალითი. ჩეჩიის პატრიოტებმა, რომელთა შორის გამოჩენილი სოცილისტებიც იყვნენ, შესძლეს ისეთი ეროვნული ბრძოლის წარმოება, რომელმაც მათ სახელმწიფოთა შორის არსებული წინააღმდეგობათა თავის დროზე გამოყენების საშვალეება მისცა. ხანგრძლივი ეროვნული ბრძოლით, მაგრამ შედარებით მცირედი მსხვერპლის გაღებით, ჩეჩოსლოვაკიამ შესძლო დამოუკიდებლობის მოპოვება. იგივე ითქმის დაახლოვებით იტალიის შესახებაც. გარიბალდისა და მაინის ბრძოლამ იტალიას თავისუფლება მოუპოვა და ეს უმთავრესათ იმიტომ, რომ იტალიას როგორც შინაური, ისე საგარეო მდგომარეობა ხელს უწყობდა. სომხების, ალბანელებისა და მკვედონელ რევოლუციონერთა ეროვნულმა ბრძოლამ კი ბოლოს და ბოლოს უბრალო ავანტიურისმის ხასიათი მიიღო და მიზანსაც ვერ მიაღწია. და ეს იმიტომ, რომ სომხეთისა და ბალკანეთის რევოლუციონერები საერთაშორისო მდგომარეობის ურთიერთობაში სისწორით ვერ გაერკვენ და ამის გამო ისინი ევროპის დიპლომატიის ბრმა იარაღი გახდნენ.

მაშასადამე კითხვა იმაში კი არ არის, დასაშვებია თუ არა ნაციონალურ განმათვისუფლებელ მოძრაობისათვის გარეშე ძალის თანაგრძობის გამოყენება, არამედ რამდენათ სისწორით გაიგებ და დააფასებ ამ ძალას და მისგან მოტყუილებული არ დარჩები. ერთი წუთითაც არ უნდა დავივიწყოთ, რომ იმპერიალიზმის ხანაში სახელმწიფოთა შორის ინტერესთა წინააღმდეგობა მეტათ დახლართული და დაუდევარია.

ყოველივე ეს გვეუბნება იმას, რომ ეროვნულ განმათვისუფლებელი მოძრაობა საჭიროებს არა მარტო შინაური ძალების ყოლას, არამედ გარეშე თანაგრძობასაც. ამიტომ მას აქვს როგორც საშინაო, ისე საგარეო პოლიტიკა. ისინი ერთი მეორის დამატებას წარმოადგენენ და ამიტომ იგი თხოულბს ორივე სფეროში მუშაობას.

ნაციონალურ მოძრაობას საგარეო პირობები შედარებით დღეს უკეთესი აქვს. ვინემ მსოფლიო ომამდის იყო. ერთა თვითგამორკვევის პრინციპს. გარდა ჩაგრულ ერებისა, იცავს მუშათა კლასი და საერთაშორისო დემოკრატია, რომელიც დღითი დღე ძლიერდება და თანამედროვე პოლიტიკის მამოძარაველ ძალათ ხდება. ჩინეთის ნაციონალურ მოძრაობისთვის ინგლისის მუშათა პარტიის გამოქომაგებას ვაციალებით მეტი სარგებლობა მოაქვს, ვინემ ბოლშევიკების ემისარება და მათ ავტიციას. მეორეს მხრით ერთა ლიგის ავტორიტეტის გაძლიერება თანდათან ნიადაგს აცლის საიდუმლო დიპლომატიას და იმპერიალიზმის აღვირწახსნილობას პატარა ერთა ჩაგრვის სფეროში სახლგარს უდებს. ამიტომ; ჩაგრულმა ერმა თავისი საგარეო მუშაობა ამ ფარგლებში უნდა აწარმოვოს, თუ კი მას სურს, რომ იგი საერთაშორისო ძალების გამოანგარიშებაში მოტყუებული არ დარჩეს. ასეთი მუშაობა მას უუქველათ მოუპოვებს უეშმარიტ მეგობრებს და გაუადვილებს საერთაშორისო მდგომარეობაში სისწორით გარკვევას.

როცა საერთაშორისო ძალთა განწყობილება ეროვნულ მოძრაობის სასარგებლოთ არ არის, მას არ ეხმარება და იგი მარტო თავისი საკუთარი ძალებით აწარმოებს გადამპრულ ბრძოლას, ასეთი ბრძოლა, შეიძლება ითქვას, უმეტეს შემთხვევაში წაგებულია.—პოლონელ რევოლუციონერ პატრიოტების ბრძოლას, უთხრა ვეცკენს იტალიის ცნობილმა ნაციონალურმა გმირმა გარიბალდომ, რომელიც ყველა ერის რევოლუციონერებში განსაკუთრებული ავტორიტეტით სარგებლობდა, პირდაპირ ალტაცებაში მოვეყვარ, მაგრამ მიკვირს თუ როგორ შებედეს მათ გარეშეს დაუხმარებლათ, უიარაღოთ, სახლგარ გაუსხნელათ. ასეთი ძლიერი იმპერიის წინააღმდეგ შებრძოლება და ასე დიდხანს წინააღმდეგობის გაწევა. ასე ფიქრობდა არა მარტო გარიბალდი, არამედ ბევრი მამინდელი გამოჩენილ საზოგადო მოღვაწე და რევოლუციონერი და მიუხედავათ იმისა, რომ მთელი თავისი სულით და გულით პოლონელებს თანუგრძობდნენ, 1861 წლის აჯანყება წინდაწინ წაგებულათ მიახლათ და ხო-

გიერთი მათგანი გულწრფელათ ურჩევდა პოლონელ ხელმძღვანელთ აედოთ ხელი თავის განზრახვაზე შესაფერ დრომდის. მეგობართა შიში გამართლდა.

როგორ მუშაობას აწარმოებს ერი, რომლის განმათავისუფლებელ მოძრაობას საერთაშორისო პირობები ხელს არ უწყობენ, ხოლო საკუთარი ძალით კი მტრის დამარცხება არ შეუძლია?

ასეთი ერის მოძრაობა იმ სახელმწიფოს საზღვრებით იფარგლება, რომელშიც მას არსებობა უნდება. იგი გაბატონებული ერის სახელმწიფოს ფარგლებში ცდილობს თავის ეროვნული უფლებების დაცვას და მასზე აშენებს თავის ტაქტიკას იმ იმედით, რომ უკეთესი პირობები დაუდგება. ასეთი ერის პოლიტიკა კომპრომისულია, მარა ამავე დროს საღი და მიზან შეწონილი. ეს სრულებითაც არ ნიშნავს თავის საბოლოო მიზანზე ხელის ალებას. ასეთი ეროვნული ბრძოლის ხანა განვლილ პოლონეთმა 1861 წ. აჯანყების დამარცხების შემდეგ მსოფლიო ომის დაწყებამდის. ხოლო უკანასკნელმა მის სასარგებლოთ შესცვალა საერთაშორისო მდგომარეობა და პოლონელებმაც ტაქტიკა გამოიცვალეს.

ასეთივე ეროვნული პოლიტიკის პერიოდი განვლო ქართველმა ერმაც გასული საუკუნის 50 წლიდან რუსეთის დიდ რევოლუციამდის. ეს არის ეროვნულ მოძრაობის მეორე სახე.

ეროვნულ მოძრაობის ისტორიამ იცის აგრეთვე შემდეგი მოვლენაც, როცა გაბატონებული ერის სახელმწიფო შინაური და საგარეო პირობების გართულების გამო შიგნიდან ირღვევა და იშლება. ამით ჩაგრული ერი სარკებლობს და დამოუკიდებლობას აცხადებს. მაგრამ ამ შემთხვევაშიც, საკუთარი ძალების სიძლიერე და საერთაშორისო მდგომარეობა თავის მნიშვნელობას არ კარგავენ და დამოუკიდებლობის საბოლოო განმტკიცება მათზეა დამოკიდებული. აი მოკლეთ ის გზები და ის პირობები, რომელნიც ქმნიან და ანეითარებენ ეროვნულ განმათავისუფლებელ მოძრაობას

1818 წელს, როცა ქართველმა ერმა დამოუკიდებლობა გამოაცხადა, ზემოთ დასახელებული ეროვნული მოძრაობის სამივე პირობები სუსტათ, მაგრამ მინც არსებობდნენ. ასე რომ 26 მაისი ისტორიულათაც და პოლიტიკურათაც სისწორით იყო გაგებული. საერთო ეროვნული პოლიტიკის ხაზი უწყველად სწორი იყო. ერი ამ მხრივ ყველა სიმაღლეზე აღმოჩნდა და სწორი გზაც აირჩია, ხოლო მისი უბედურება იმაში იყო, რომ მან ვერ შესძლო არსებული პირობებისა და ძალების მაქსიმალურათ გამოყენება და განვითარება: ეს მან ვერ მოასწორო, ეს მას არ დაეცალეს, ბოლშევიზმის კრიზისი, საბჭოთა კავშირის ჩაგრულ ერთა მოძრაობა და საერთაშორისო დემოკრატიის გავლენის ზრდა პოლიტიკაში გვეუბნება, რომ ქართველი ერი 26 მაისამდის არსებულ ეროვნულ პოლიტიკას აღარ დაუბრუნდება. ეს არ ნიშნავს იმას, რომ ჩვენ ანგარიში არ უნდა გაუწიოთ რუსეთის ძალთა განწყობილებას, არ უნდა დაუახლოვდეთ რუსეთის დემოკრატიას და სოციალიზმს. არა, ჩვენ მას ანგარიში უნდა გავუწიოთ, ჩვენმა ეროვნულ ტაქტიკამ რუსეთის ძალთა განწყობილებაც უნდა მიიღოს სახეში. მაგრამ ისიც ცხადი უნდა იყოს ყველასათვის, რომ ჩვენ ეროვნულ მოძრაობას ვერ დაუკავშირებთ მარტო რუსეთის დემოკრატიის ბედს, როგორც ეს 26 მაისამდის იყო. მით უმეტეს, რომ რუსეთის დემოკრატია და სოციალიზმი შედარებით ხუსტი არიან და ახლო მომავალში რუსეთში ისინი ვადამპურელ როლს ვერ ითამაშებენ. ამიტომ ყოველივე «აღმოსავლეთ ევროპის ხალხთა ლიგები» და მათი პლატფორმები ჩემდებოდა, ისინი მხოლოდ გაუგებრობას იწვევენ, ეროვნულ მოძრაობას ასუსტებენ, ხოლო «ველიოდერეჟინიკებს» აძლიერებენ. დაახლოვებისთვის საჭიროა არა აბსოლუტური ენით დაწერილი პლატფორმები და ცალკე ახალი ორგანიზაციების შექმნა, არამედ სოციალისტური პრინციპის ცხოვრებაში გატარება და მუშათა სოც. ინტერნაციონალის დავალებათა ასრულება.

ერთი სიტყვით რუსეთის სოციალისტები ეროვნულ საკითხში უნდა მოიქცენ ისე, როგორც იქცეოდნენ თუ გინდ იმავე პოლონეთის საკითხში მარქსი, ბაკუნინი, გერცენი და პლენხანოვი. სხვაგვარი მოქმედება კი ნიშნავს, რომ მათ სურთ ამა თუ იმ სახით გვერდი აუარონ იმ ვალდებულებათა ცხოვრებაში გატარებას, რომელსაც მათ ერთა თვით გამოარკვევის პრინციპი და სოციალისტური ინტერნაციონალი ავალდებს. ამიტომ შემცდარია ის აზრი, თითქოს «აღმოსავლეთ ევროპის ხალხთა ლიგის» მქადაგებელთა მოვლენა რუსის სოციალისტთა შორის პროგრესი იყოს. ეს არის არა პროგრესი, არამედ თავისი სოციალისტური მოვალეობის მოხერხებულათ გვერ-

დის ავლა. ნებით თუ უნებლიეთ მასში უქვევლათ გამოსქვივის «ერთი და განუყოფელი რუსეთის» იდეის გაგლეწა. ეს იგივე ლენინიზმია, რომელიც ერთი ხელით ერებს წყალობას აძლევს, ხოლო მეორე ხელით მათ ძარცვავს. გაბატონებული ერების სოციალისტების, ამ შემთხვევაში რუსების, მოვალეობა არის იქადაგონ ერთა თავისუფლება და მას ხელი შეუწყონ. თუ კი მათ არ სურთ იმპერიალისტების წისქვილზე წყალის მიშვება. ხოლო ერთა შორის დაახლოვების პრაქტიკული ნაბიჯები, როცა ეს საქაროა, უნდა გამომდინარეობდნენ თვით პატარა ერებისა და მათი სოციალისტებისაგან. აი ეს არის სწორი ეროვნული პოლიტიკა და იგი არასოდეს გაუგებრობასა და გადახრას არ გამოიწვევს.

ჩხნია. 19 თებერ. 1927 წ.

კაქი.

ჭიათურის მუშათა ცხვრებიდან. (მოგონება)

ბედმა მარგუნა რამოდენიმე ათეული წლების განმავლობაში ჭიათურის სამრეწველო რაიონის ფარგლებში მუშაობა. ვიღებდი უშუალო მონაწილეობას ყველა იმ ბრძოლებში, რასაც აქაური მუშები აწარმოებენ თავიანთ ეკონომიური მდგომარეობის გასაუმჯობესებლად. მე მინდა მოვიყვანო ამ წარსული ბრძოლების ზოგიერთი ეპიზოდები, ადვალტინო მოკლეთ მთავარი მომენტები ჭიათურის მუშების მიერ წარმოებულ ეკონომიურ ბრძოლებისა.

1905 წლის რევოლუციის დამარცხების შემდეგ ჭიათურაშიც ისე, როგორც სხვაგან ჩვენს, იწყება საშინელი კრიზისი, რომელსაც თან სდევს რეპრესიები მუშათა წრეების მიმართ. ორგანიზაციები თითქმის სრულ დამლა-განადგურების გზაზე იმყოფებიან, მაგრამ 1907 წლიდან კვლავ იწყება აღორძინება და ჩქარი ნაბიჯით მიდის წინ. ას ხანებში მუშათა რიცხვი ჭიათურაში არ აღემატებოდა ოთხი ათას კაცს, რომლებიც იყრიდნენ თავს მოწინავე მუშების მიერ დაარსებულ კოოპერატივის და ფურნის გარშემო. 1609—12 წ. შავი ქვის წარმოება ფართოდება და მუშათა საერთო რიცხვი 12,000-მდე აღის. სამუშაო აღის სიგრძე მაღაროში არის არა ნაკლები 10 საათისა. ხელფასი დაწესება დამოკიდებულია დამკირავებლის ან მისი აგენტის ნება-სურვილებზე (მხოლოდ ერთადერთი ფორმულის ფორმა იცავდა 1905 წელს მოგებულ 8 საათის სამუშაო დღეს). მათ უსასწალო აღვირ-ახსნილობით მოთმინებიდან გამოუსულმა მუშებმა განიზრახეს პირობების გაუმჯობესება და შეუდგენ სათანადო საომარ სამზადისს. ინიციატივაც და შემდეგ მეთაურობაც ეკუთვნოდა შავი ქვის ვაგონების მტვირთავთა არტელს—რიცხვით 600 კაცამდე. ბრძოლის მომენტი კარგად იქნა არჩეული: 1913 წელი, როცა მუშათა რიცხვი გადასცილდა 15,000-ს და მოთხოვნილება მუშა ხელზე მაინც მატულობდა. აი ასეთ პირობებში მიმართა ჭიათურის მუშათა კლასმა არტელისტების მიერ მომზადებულ საერთო გაფიცვას. ჭიათურას გამოეხმურა ბათუმის, ფოთის და ტყიბულის მუშებიც. მდგომარეობის სირთულის და საქმის სიღიადის გამო გაფიცვის ბიურო იწვევს საერთო ხელმძღვანელებათ ნოე ზომერიკს, ზაქარია გურულს და კოლია ჭუმბურიძეს. შემუშავებულ იქმნა მთელი რიგი ხელფასის მომატების მოთხოვნილებებისა კატეგორიების და სამუშაო ადგილის პირობების მიხედვით. ზოგად მოთხოვნილებათა შორის წამოყენებულ იქნა მაღარო და ქარხნის მუშებისათვის 8 საათის სამუშაო დღე, მუშათა დახვევა, უფასო წამლობა, ჯამაგირის შენახვით, ყოველ თხუთმეტზე ჯამაგირების დარიცება, წელიწადში ერთი თვის დასვენება ჯამაგირის შენახვით, აკრძალვა მუშების დათხოვა-მიღების არტელის დაუკითხავათ, ბინები, სველ ადგილებისთვის—პლაში, ჩექმა; მშრალისთვის—ხალათი, შარვალი, წინსაფარი და სხვა და სხვა...

გაფიცვას სასტიკად წინააღმდეგა მრეწველებთან ერთად ხელისუფლებაც. ადგილობრივი ჩამბრძანდა ქუთაისის გუბერნატორი და გასცა ბრძანება, რომ 24 საათში მუშები ან დაბრუნებოდნენ სამუშაოს, ან დაეტოვებინათ ჭიათურა. მაგრამ ნოე ზომერიკმა იმ წამსვე მისცა დეპეშა, გაფიცვის ბიუროს სახელით, მესამე დღემის სოც.-დემ. ფრაქციის თავმჯდომარეს, აწვანსვენებულ კარლო ჩხეიძეს, სადაც აღწობდა, რომ გაფიცვას პქონდა მხოლოდ ეკონომიური მიზნები. დღემის სოც.-დემოკ. ფრაქციის ჩარევამ გასჭრა. გაფიცულებს შეძლება მიეცათ განეგრძოთ ეკონომიური ბრძოლა, გუბერნა-

ტორის რისხვა აცილებულ იქნა. გადიცვა გაგრძელდა სამი თვე და დასრულდა მუშაობის გამარჯვებით. მოპოებულ იქნა 8 საათის სამუშაო დღე და ხელფასის შემდეგი პირობები:

მალაროში მომუშავეთათვის:

ყელის მუშას (დღიურათ):	1 მან. 90 კაპ.
მებიგეს	2 »
ვაგონის გამგორებელს	1 » 80 »
მენიჩბეს	1 » 50 »
ქვის გამარჩევს	1 » 20 »

ქარხანაში მომუშავეთათვის:

დაზვაზე	1 მან. 80 კაპ.
წყალში	1 » 90 »
დრობილკაზე	1 » 50 »
ვაგონის მტვირთავს	2. »
მეურმეს	4 » 40 »

ამას გარდა მუშებს ეძლეოდათ კატეგორიის და საჭიროების მიხედვით: პლაში, ჩექმები, სამუშაო ტანსაცმელი, ხელთათმანი, წინსაფარი; აგრეთვე—უფასო ბინები, აბანო, თვეში 2 გირვანქა საპონი, ჩი და სხვ...

ამ გამარჯვების სათანადოთ დასაფასებლათ საჭიროა მოვიგონოთ მაშინდელი ფასები მუშისთვის პირველ საჭიროების სურსათ-საქონელზე. გირვანქა პური ღირდა პირველი ხარისხის—5 კაპ., მეორესი—4 კაპ., მესამესი—3 კაპ., ერთი გირვანქა ფხვნილი შაქარი—12 კაპ., ნატეხი 15 კაპ., კვარტი ღვინო 25 კაპ., სადილი 2 თავისაგან 15 კაპეიცი, ერი არშინი ჩითი—16 კაპ., მიტკალი 18 კაპ., წულა 120 კაპ., ჩექმა ხრომის 7 მან., ერთი გირ. ძროხის ხორცი 15 კაპ., ცხვრის 20 კაპ., მარილი 2 კაპ. და სხვ.

გაფიცვის სველფობის დროს ადგილი ჰქონდა მრავალ ინციდენტს მუშებსა და ადმინისტრაციას შორის. მაგალითისათვის: ბოქაულმა ომარბეგ ცალიკოვმა სცემა არტელის მუშას, დიმიტრი ჯაგნიძეს. ამას გამოეხმაურა მთელი კავშირი და შესძლეს პასუხისმგებაში მიეცათ ბოქაული, რომელსაც მიესაჯა ორი თვის ციხე, რის შემდეგ მოხსნილ იქნა თანამდებობიდანაც. საერთოთ ამ გაფიცვის შემდეგ მუშებმა საყოველთაო პატივისცემა და დიდი გავლენა მოიპოვეს.

დიდი ომის მიერ გამოწვეულმა ეკონომიურმა და ფინანსიურმა კრიზისმა ეს პირობები მოშალა. მაგრამ 1917 წლის რევოლუციის და განსაკუთრებით საქართველოს დემოკრატიულ რესპუბლიკის განმტკიცების შემდეგ ჰიათურის მუშებმა ყოველგვარი უშუალო ბრძოლის გარეშე მოვიპოვეთ ჩვენთვის სასურველი პირობები; რვა საათის სამუშაო დღე კანონათ იქცა.

შემოღებულ იქნა შემდეგი ხელფასი (ნაანგარიშეცია ოქროს მანეთებში):

მალაროში მომუშავენი:

ყელის მუშას	2 მან. 20 კაპ.
მებიგეს	2 » 40 »
ვაგონის გამგორებელს	1 » 90 »
მენიჩბეს	1 » 75 »
ქვის გამარჩევს	1 » 70 »

ქარხანაში მომუშავენი:

დაზვაზე	1 მან. 90 კაპ.
წყალში	1 » 95 »
დრობილკაზე	1 » 70 »
ვაგონის მტვირთავს	3 » 30 »
მეურმეს	5 » 25 »

ამას გარდა მუშებს უფასოთ ეძლეოდა სპეციალური ტანსაცმელი ორჯერ წელიწადში და ყველაფერი ის, რაც 1913 წლის გაფიცვაში იქნა მოგებული და რაც ზემოთ ჩამოვთვალეთ.

რვა საათის სამუშაო დღე ისეთი სისასტიკით ტარდებოდა ცხვრებაში, რომ ერთი მრეწველი, რომელიც შეეცადა მალაროში აკორდის შემოღებას, დაუყენებლივ დატუსაღებული და პასუხისმგებაში იქნა მიცემული, როგორც სისხლის დამნაშავე.

დაარსდა მუშებისათვის «მუშათა მაგიდა», რომლის დანიშნულება იყო მიეწოდებია მუშების და მათი ოჯახებისათვის სურსათ-სანოვავე დაკლებულ და ხშირათ ნახევარ ფასებში.

ყოველგვარი დავა კაპიტალისტებთან შრომის პირობების და ხელფასის შესახებ სწარმოებდა კოლექტიურად. პროფესიონალური კავშირების საშუალებით და, უკანასკნელ შემთხვევაში, მუშას ჰქონდა გაფიცვის უფლება. ყოველწლიურათ თვითუღ მუშას ეძლეოდა ორი თვის სვეტულება ჯამაგირის შენახვით. როგორც თვითონ, ისე მისი ოჯახის შემადგენლობა დაზღვეული იყო ყოველგვარი უბედური შემთხვევებისაგან. ექიმობა უფასო და მუშის ავანტიყოფობის დროს ხელფასის შენახვა. მუშების დათხოვნა და მიღებაც მუშათა საერთო კანტროლის ქვეშ იყო დაყენებული. მოწყობილ იქნა სხვადასხვა ადგილას მუშებისათვის საღამოს კურსები, სადაც იღებდენ ვეფემენტარულ ცოდნას და ეცნობოდენ მსოფლიოს მუშათა მოძრაობის საკითხებს.

მუშებს ჰქონდათ საკუთარი სასაბჭოო და საკუთარი კოლხეპრატევი. ხოლო რედესაც საზოგადო მშვიდობიანობას რაიმე საშიშროება ელოდა. იგივე მუშები იღებდნენ იარაღს და დღისით ნამუშევარი ღამით ქალაქს სდარაჯობდნენ მილიციასთან ერთად, ან მიდიოდნენ ფრონტზე, თუ გარეშე მტერი იმუქრებოდა.

1921 წლის მარტიდან ჭიათურის მუშისათვის, ისე როგორც მთელი საქართველოსთვის, ხელახლათ იწყება წამების ხანა. ბევრ უბედურებებთან და შეურაცყოფასთან ერთად ის გაძარცვეს ბრძოლით და რევოლუციით მონაპოვარი უფლებებისაგან. და პირველ ყოვლისა 8 საათის სამუშაო დღისაგან. უცნაურის გაიძვერაობით და უხავსობით გაავრცელეს ბოლშევიკებმა მისი მძიმე უღელი ჩვენ მუშებზეც და თანდათანობით შეაპარეს აკორდის სისტემა. მოვიყვან ერთ მაგალითს: 1924 წლის პირველ ნახევარში მე მქონდა მონდობითი მთავრობის პირველი ქარხნის მფარვეში მუშაობა 450 კაციით და უსიტყვოთ ვემორჩილებოდი, როგორც პრემიერის, ისე (ჩემს) თავმჯდომარის, კარზე მოდებამის, ბრძანებებს. ერთ დღეს ვღებულობ კ. მოდებამის განკარგულებას, რომ დაუყონებლივ ვადამეყვანა ყველა მუშები ნარდათ მუშაობაზე, რაც მე ვერ შეეძარსოდა თუ... არ შეეძარსოდა. შემდეგ ამობრძანდა სამუშევარზე თვით კ. მოდებამი და მისცა მუშებს წინადადება: ან დაეტოვებიათ სამუშევარი, ან გადასულიყვენ აკორდზე. ყელზე მომუშავენი გააყოფია სამ კატეგორიით: პირველს უნდა მუშაობოდა 9 ვაგონი ქვა (ვაგონში ჩადის 55-72 ფუთამდე), მეორეს—7 ვაგ. და მესამეს—6 ვაგ.; ორ კაცს კიდევ უნდა გაეყვოდა და კიდევ უნდა გამოეტანა გარეთ, 150 საყენის მანძილზე, 25 ვაგონი ქვა. გარეთ ერთმა კაცმა უნდა გააჩრიოს ყველა ეს ვაგონები. ხის დამკვეთს უნდა გაეკეთებია ხუთი წყვილი ბიგი და სხ...

ყოველივე ამას გაქანებული მუშაობით მუშები ანდომებდნენ 9—10 საათამდე, ხოლო ამ დროის განმავლობაში უწყვეტ შემდეგი ხელფასი:

მალაროში მომუშავეთ:

ქარხანაში მომუშავეთ:

ყელის მუშას	2 მან. 50 კაპ.	დახვანე	1 მან. 60 კაპ.
მებიგეს	2 » 60 »	წყალში	1 » 80 »
ვაგონის გამგორებელს	1 » 80 »	დრობილკაზე	1 » 50 »
მენიჩებს	1 » 80 »	ვაგონის მტვირთავს	2 » 52 »
ქვის გამრჩევს	1 » 50 »	მეურმეს	7 » 50 »

(ნაანგარიშეგია ჩერვონეცის მანეთებში)

მთავრობის მაგალითით წახალისებულმა კაპიტალისტებმა, რა თქმა უნდა, მისივე ნებართვით მოსპეს 8 საათის სამუშაო დღესთან ერთად ბევრი სხვა მუშათა უფლებებიც. ე. წ. ფროდკავშირები კაპიტალისტთა კავშირებზე უარესი განდენ მუშებისათვის. მათი გაბერილი, არაფრის მოსაქმე შტატის შენახვა მძიმე ხარჯათ აწევსთ მუშებს; მუშათა კოლხეპრატევი ჩამოერთვა მუშებს და გადაკეთდა «ეპოთ», რომელიც ვაჭრობს ბაზრის ფასებში, რაც მიუზღომელია მუშებისათვის; «ეპოს» მუშტარია მხოლოდ ბოლშევიკური ბურჟუაზია. აგრეთვე ჩამოერთვათ მუშებს ძველი ბინები, სადაც მოთავსებულია დღეს კომუნისტური დაწესებულებები ან ჩაყენებულია მათი მოსამსახურეები, რომელთა რიცხვი გაათკეცებულია სამაზრო ორგანოების წესტაფონიდან ჭიათურაში გადმოტანის შემდეგ. უბინობის გამო სიბინძურესა და ჭუჭყში ჩაყვნილ მუშებს გაუნახვერეს საპნის რაოდენობა. ყოველ კვირის მაგიერ აბანო ეძლევათ თვეში ერთხელ და ისიც ფასით. გაფიცვის უფლება, როგორც მთელ საბჭოთა ტერიტორიაზე, ცხადია, აქაც მოსაპარია. დასდევვა ფრთა შეკვეცილია და ოარი თვის სავალდებულო დასვენება ერთ თვეზეა ჩამოყვანილი.

განსაკუთრებით დაზარალდნენ შ. ქ. ვაგონის მტვირთავი მუშები სააკორდო ნორმის ახალი გადამიჯნის შემდეგ; მათი შრომა უსაზომოდ ვადიდებულია.

აი შედარება: 1917-დან 1921 წლამდე პირველი კატეგორიის დამტვირთველ მუშას უწევდა 1 საათში 650 ფუთის დატვირთვა (მეორე კატეგორიისას—550, მესამესას—450), რისთვისაც ის იღებდა საათში 41 და ერთ მეოთხედ კაპეიკს. საბჭოთა ხანაში კი მან უნდა დატვირთოს 1 საათში 1200, მეორე კატეგორიისამ—900, მესამემ—675 ფუთი, რისთვისაც უწყვეტ საათში 25,2 კაპეიკი.

რომ მკითხველმა გასაჯოს რამდენათ ღატაკია ის ხელფასი, რომელსაც დღეს ჭიათურის მუშა იღებს, მოვიყვანოთ ისევ უპირველეს საჭიროების სურსათ-სანოვანის ფასები საბჭოთა საქართველოში: ერთი გირვანქა პირველი ხარისხის პური ფასობს—

12 კაპეიკი, მეორესი—11 კ. და მესამესი—10 კ.; ფხვნილი შაქარი გირ.—33 კაპ., გირვან—37 კ.; სადილი ორი თავისაგან პურით—80 კ., ღვინო 1 კვარტი—1 მან. 20 კ., გირვან—35 კაპ., ცხვრის—45, მარილი გირ.—2 კაპ.; საშუალო ღირსების ჩითი მეტრი—46 კაპ., მიტკალი—120 კ., წულა—7 მან., ჩექმა—120 მანეთი, ჩვეულებრივი ფესხაცმელი ხრომის—40 მან. და სხვ...

რაც შეეხება მუშის სამოქალაქო უფლებებს, აქ ის ჩაყენებულია არსებითად მონურ მდგომარეობაში. ყოველ ჩეკისტს, ყოველ კომსომოლას და მილიციელს შეუძლია ის დაატუსაღოს, სცემოს. შეურაცყოფს და მოჰკლას კიდევ. ბუნებით ველურმა მილიციის უფროსმა. ალ. ვაშაძემ, ჯერ საშინლათ სცემდა და შემდეგ მაუჭერით დასჭრა ვაგონის მუშა, ვლასა ბრეგვაძე. ამას გამოყენებულა მტერთათვა კავშირი და მოითხოვა ვაშაძის პასუხისგებაში მიცემა, მაგრამ ხელისუფლებამ მას წარჩინება მისცა, მაზრის ინსტრუქტორად დანიშნა.

ესლა როგორ მოექცა მუშებს თვით წითელი კაპიტალისტი კარპე მოდებამე? წინააღმდეგ საერთო წესისა მან უარი უთხრა მუშებს ორი კვირის სალიკვიდაციოს მიცემაზე, თუმცა მუშაობა მთავრობის ქარხანაში ერთბაშით შეაჩერა ორი კვირით წინააწინ გაუფრთხილებლათ. თან კ. მოდებამე მოსთხოვა მუშებს დაუყოვნებლივ გაეხადათ ტანზე ქარხნიდან მიღებული ტანისამოსი და ფესხაცმელი და ჩაებარებიათ უკანვე. ხოლო, როდესაც მუშებმა წინააღმდეგობა გაუწიეს, მან იმ წამსვე გამოუქვითა კუთვნილი ჯამაგირებიდან თითოს 29 მან. 70 კაპ...

მუშათა პოლიტიკურ უფლებებზე „ლაპარაკი «მუშურ-გლეხურ» სახელმწიფოში ხომ სულ ზედმეტია.

ასეთი ჰიატოურულ მუშების მდგომარეობა დღეს, და განა გასაკვირალია, რომ ისინი აჯანყების დღეებში თავდავიწყებით ეკვეთენ მომხდურ ხელისუფლებას! მოსკოვის აგენტები გულუბრყვილობას იჩემებენ, თვალთმაქცობენ—თითქოს მათ არ ესმოდეთ რამ გამოიწვია ჰიატურის პროლეტარიატის «საბჭოთა ხელისუფლების» წინააღმდეგ ერთსულოვანი გალაშქრება და ამათ სცდილობენ მის «გაუგებრობათ» და «უბრალო შეცდომათ» მონათვლას.

შავი ქვის მუშა კალიკო ჩუბინიძე.

გ ა კ ვ რ ი თ.

შულავერის გმირი ფ. მახარაძე განაგრძობს დღესასწაულს, თავის თავის ქებათა ქებას და ქვეყნის დაბრძოლებას. ის უკეთებს ჯამს თავის ექვსი წლის ნაშრომდარს და რიხიანთ სწერს: «მიღწევები» დიდია, ქვეყანა ყვაოდება, «ახლა შეიძლება ვინმე შეგვეკითხოს, ყველაფერი ეს კარგი, მაგრამ აბა რას გვეტყვიტ მუშების და გლეხების მდგომარეობაზეო?» სწორეთ მიგნებული შეკითხვაა, მარა ის ავტორს არ ეკუთვნის; მისი სიტყვით «ჩვენ ვიცით თუ საიდან, რომელი ბანაკიდან გაისმის ეს შეკითხვები»; ეს ალბათ ჩვენი ბანაკია. სწორეთ აქედან გაისმის ასეთი შეკითხვა, აქ არის ზრუნვა ბოლშევიკებისათვის ასეთ უსიამოვნო საგანზე, როგორიცაა გლეხების და მუშების მდგომარეობა. და თუ მართლა ქვეყანა ყვაოდება, პირველ ყოვლისა უნდა ყვაოდებოდეს გლეხის და მუშის ყოფა-ცხოვრება «გლეხურ და მუშურ სახელმწიფოში». მაგრამ წარმოდგინეთ, ბატონი ფილიპე ვერაფერს სანუგეშოს ამ მხრივ ვერ გვეუბნება. ის განაგრძობს: «ჩვენ ვიცით, რომ მუშების და გლეხკაცობის მდგომარეობის გასაუმჯობესებლათ ჯერ კიდევ ბევრი რამაა გასაკეთებელი». (კომ. № 45) ჩინებული აღსარება; ექვსი წლის სისხლიანი მართვლეობა გამოტყდა, რომ ხალხის მდგომარეობა ჯერ არ გაუმჯობესებულა და იმედს იძლევა მომავალში ზომებს მივიღებთო. მაშ რას დღესასწაულობენ, ვის გამარჯვებაზე გაყვირიან? ერთათერთი კომუნისტური პარტიის და მისი მეთაურების. ამათი მდგომარეობა მართლაც გაუმჯობესდა და შულავერის მოციქულიც დიდ ზეიმშია.

და რადგანაც სახიმიო საბუთები არაფერი აქვს გარდა თავის ქებისა, მოყლია ქორის გუდის ვაბერვას და ზედ წამოწოლილი ცრუობის ცრუობაზე დაგრ ვებას. მისი მ.აწმობით მენშევიკურ მთავრობამ თურმე «ყოველივე კავშირი გასწყვიტა» მასკოვთან, განსაკუთრებით ეკონომიურიო! მაშ რა იყა სავაქრო ხელშეკრულების დადე-

ბა საქართველო-რუსეთ შორის, თუ არა ეკონომიური კავშირის დაქურა? ფილიპე შულავერელი ამ ფონით ვერ გავა, ეს მან კარგათ იცის და მას აყოლებს უხვით ასეთსავე «თავისუფალ შემოქმედებას»; მენშევიკებმა ძალით დაიპყრეს საქართველო, ჩვენც ასევე ძალით დავიპყართო! ვითომ და ამით გაექვითდიოთ! ეს მოხუცი უკვე ბავშვის ასაკში მოქცეულა და ველარ არჩევს თავისუფალ სახელმწიფოს შინაგან ურთიერთობას გარედან თავდასხმისაგან. მისი მომავლინებელი მოსკოვი ერთხელ ამას კარგად არჩედა და საქვეყნოთ გამოაცხადა—საქართველოს შინაგან საქმეში არ ვერევიოთ. მისი ფინია მახარაძე კი ახლა ამაყათ გაიძახის—ჩავერიეთ და კიდევაც კარგი ვქენით, განა მენშევიკებმა არ ჩაერივნო! ქართველი ხალხის მიერ თავისუფლათ დაყენებულ მთავრობას ის ამ ხალხის საქმეში ჩარევას უწოდებს! ეს საქართველოს, უკაცრავათ პასუხია «პრეზიდენტი» ზომავნე მეტათ აუწევია უკანტროლო ძალა-უფლებას, რას ლაპარაკობს აღარ იცის. საწყალ ცხაკიას ფილიპეც მიმატებია, ესეც ჩქარა დაიწყებს ქვის სროლას.

ეს გადაჭარბებული არ გვეონო. წაიკითხეთ მისი სხვა ჩვენებებიც და დარწმუნდებით. აი მაგ. რას სწერს ჩვენზე თებერვლის რევოლიუციის ათი წლის თავზე: «ის (მენშევიკური პარტია) მივიდა იმ დასკვნამდე, რომ 1905 წლის რევოლიუცია იყო შეცდომა, ხოლო რაც შეეხება მომავალს, ის გადაჭრით უარყოფდა რუსეთში რევოლიუციის განმეორებას... მენშევიკები წინააღმდეგი იყვნენ 1917 წ. თებერვალ-მარტის რევოლიუციის. მათ არ უნდოდათ ეს რევოლიუცია» და სხ. და სხ. (კომ. № 57). ერთი სიტყვით, არც ერთი რევოლიუცია მენშევიკებს არ სურდათ, ამისათვის არ უმუშავიათ—აი ამ ცრუპენტელას მორიგი ჭოროიკანობა. მაშ რანაირათ მოხდა, რომ 1905 წლის და 1917 წლის რევოლიუციათა მეთაურობა და წინამძღოლობა მენშევიკებს ხვდა წილათ და ბოლშევიკები არსად არავის უნახავს. ესენი ხომ ბოლოს გამოძვრენ სარობიდან, როცა მტერი უკვე უკუგდებული იყო, მსგავსათ ძველი დროის გენერლებისა, რომელნიც საჯაროდან ომის შემდეგ გამოდიოდნენ. ასე დაეცემა კაცი დენსოტიაში, ანრის და სიტყვის დენსაში. რაკი ენის შემბრუნე არავინ ყავთ, ამიტომ გონიათ ტიტველი გავლაც შეიძლება და ყოველივე მორალურ სამოსელს მოკლებულნი გაზეთის ფურცლებზე დანაგარდობენ. ახლა ქართველ ხალხს აჯერებენ, რომ რუსის ობოლით შამოსული მოძალადენი დიდი რევოლიუციონერები და მომავენია. მათ სურათებსაც დიდის ამბით ათავსებენ, თითქმის თებერვლის რევოლიუციის მეთაურები სწორეთ ესენი იყვენ. ესენი გახლათ:

თვით შულავერის გმირი ფ. მახარაძე. გაიცანით ეს მამაცი მოღვაწე, არავის არასოდეს არ უნახავს არც ჩვენში, არც რუსეთში რაიმე რევოლიუციაში, გამოსვლებში. ორგანიზაციის ხელმძღვანელებში. ბრძოლაში და თავის დადებაში. თავის პირად საქმეს ისე აუხარაკებდა, რომ არც ერთი რეაქციის ტალახიც არ მოხვედრია, ციხის კარებს აბა ვინ აჩვენებდა. დენას და არალეგალურ ცხოვრებას მოკლებული, იყო თავისი თავის მცირე საცოხნელზე დაბმული და თავისი «ბოლშევიკობით» კმაყოფილი.

რევოლიუციის მეორე გმირი—ცნობილი ჩერჩეტი მიხა ცხაკაია; არსად არავის არ უნახავს არც ერთ რევოლიუციაში. ცხრაას ხუთს შორიდან უყურებდა, როგორც ყველა ობივატელი, სამაგიეროთ ისეთი შიშით იქმნა შეპყრობილი, რომ უცებ გადაიკარგა, ვეროპაში მოკურცლა, და «შპიკომანიით» დაავითმყოფებული ენენვაში დასარდა. აქაც თავის ბინას სასტიკათ მალავდა, ვაი თუ დამიჭირონო. ასე გულდათ გაატარა თავისი ბოლშევიკობა ათ წელიწადს და მხოლოდ დიდი რევოლიუციის შემდეგ გაბედა სამშობლოში დაბრუნება.

მესამე დიდი რევოლიუციონერი ყოფილა ორახელაშვილი, კაცი ბნელი წარსულით, ომის დროს თავი ისახელა იმით, რომ ყველა კანცელარია შესძრა სტანისლავის მისაღებათ. ბუნებით კარიერისტი, ბოლშევიკობაში ახალი კარიერა გააკეთა.

მეოთხე დიდი რევოლიუციონერია შალვა ელიავა, ცნობილი ქამელენი. უსაქმო მოლაყბე. პოლიტიკურ მოღვაწეთა დერეფნების მტკეპნელი, მენშევიკთან მენშევიკი, ბოლშევიკთან ბოლშევიკი. არასოდეს არაფერი დაუთესია და არც ვინმეს რაიმე საქმეში უნახავს.

ერთი სიტყვით ყველა გამოჩენილი მხდალი, წარჩინებული უნიკა და სამაგალითო ქარადშუტა საბჭოთა დიდი რევოლიუციონერია, საქართველოს მესვეურია, დაც-

ლილი მოედნის ბატონ-პატრონია. და რადგანაც დღეს ჩვენი ქვეყანა ჩალით დასურთულია, ეს ვაჟბატონებიც უქუდოთ დადიან და თავისი საძრახი წარსულის დასაფარავათ ორჩოფენაზე შემდგარნი ცრუბუნტელაობით მამლაყინწაობენ.

მსგავსნი იკრიბებიანო. ნათქვამია. ამ უსაქმურთა გუნდს ვინ მიეკედლება, თუ არა მათსავით უსაქმურნი და ლაჩარნი. ამიტომ რა ზასაკვირია, დღეს გელეიშვილი-გომართელნი მათზე ფიცულობდენ და მათ ბანაკში თავს იყრიდენ. ბ. პეტრეც შეუდგა თავისი აღების დახმარებას და «ახალ გზაში» წერილებს წერილებზე აცხობს «ორიენტაციანზე» და, რასაკვირველია. შულავერის გმირების ორიენტაცია მისი გზა და ხილია. ურუსოთ არ შეგვიძლია, ოსმალთა და ევროპიელი წავილებსო—გაყვირის ის. ეს ძალიან კარგი, ბატონო პეტრე, მარა რანაირათ იყო ის, რომ როცა ჩვენ ოსმალთა გვემუქრებოდა და ევროპიელნიც, მაშინ გაყვიროდი ყველანაე უფრო ხმა მაღლა: არ გვინდა რუსი, ჩვენც კი ვუბატონებთ თავსო; ხოლო მას შემდეგ, როცა ოსმალთა თავიდან მოვიშორეთ და ევროპის იმპერიალისტებიც, კენი შემოაბრუნეთ და ურუსოთ ცხოვრება არ გინდათ. გამოტყდით, რომ აქ არაფერ შუაშია «ორიენტაცია» და პრინციპები. აქ უბრალო ანგარიშია, უხდით ბატონებს რითაც შეგვიძლიათ. მახარაძე-ელიავასანა «რევოლიუციონერებს» გელეიშვილისანა ამქარი ეკადრება; ახლა ამ პინჯრაქების მეფობაა; ნამდვილი რევოლიუციონერები და თავდადებულნი ან მიწაშია ან გადაკარგული და დაბმულია.

ეს უკანასკნელნი მანც თავისას არ იშლიან: ყალბ რევოლიუციონერებს ნამდვილი მოსვენებას არ აძლევენ და ბრძოლას განაგრძობენ. ამ გარამოებით შემოფოთებულან «ახალ გზელნი» და შეკრებილან სათათბიროთ იმაზე, თუ მენშევიკები როგორ ჩააჩუმონ. ოცი რიცხვის დიდი ლიდერი ძამანაშვილი მოუთხრობს დაფეთებულ აუდიტორიას: «ისევ ახმაურდა ემიგრაცია და ადგილობრივი არალეგალური ორგანიზაციები. ამ გარემოებამ ჩვენ წინაშე ახალი ამოცანები დასვა» (კომ. № 42). ერთი სიტყვით რაკი მებრძოლნი ახმაურდენ, მოდი ჩვენ, მოხელეებმაც. ავხმაურდეთო. მარა რა უნდა თქვან? «ჩვენ ვეტყვით მშრომელ ხალხს სრულ სიმართლესო», აცხადებენ ეს ელიავას შინაყმები. სწორეთ ისეთ სიმართლეს, როგორსაც მათი დალაილამა ფილიპე მახარაძე ასაღებს. ბოლშევიკებს და სიმართლეს ჯერ ერთათ არ უბალახიათ. ხოლო ძამანაშვილ-ხელაძეთა სიმართლე ხომ ჩეკიდან მომდინარეობს მზა-მზარეული და თან ახლავს გვარიანი გასამრჯელოც. ჩეკის «ხელისუქუქს» რა შეუძლია ვინმეს მისცეს, თუ არა სულის უქუქი და აღფესი ხელაძესაც ეძლევა შემთხვევა დაიმსახუროს მისი უხვი კალთები. ისიცა თხზავს გვეგებს ჩვენს გასანადგურებლათ. როცა თხა ვასუქდა, წვერებზე ხელი ჩამოისვა და ამაყათ წაიბრტელა: ნეტავი ერთი მგელი შემხვდებოდეს, ვაყურებივბ სვირსო. ჩეკის სასუქი «ახალი გზის» თხებს პეტელობას კი ასწავლის, უქუქვლია, მარა რქას ვერ გამოაბამს საბრძოლველათ. ეს მითვის ბუნება არ მიუცია.

69700

გ ი ნ ი ხ მ ო ვ ე ნ ე ნ ა ნ ი .

იმ ამბავში, რომელიც მინდა გვიამბოთ აქ, ახალი არაფერია; ის ჩვეულებრივი და ყოველდღიური მოვლენაა საქართველოს უბოვრებაში, მაგრამ მე მინც მინდა მოლეთ ავწერო ის სურათები, რომლის მოწამე ვიყავი, და ის განცდები და მდგომარეობა, რომელიც გამოვიარე ორი წლის განმავლობაში ჩეკა-ციხეებში ყოფნის დროს.

პირველი ჩემი დაბატონება მოხდა 1924 წელს. ვიყავი მაშინ 18 წლისა. ვირიცხებოდი საქ. უნივერსიტეტის მსმენელათ, ამავე დროს ვეკუთვნოდი საქ. ახალგაზდა მარქსისტთა ორგანიზაციას. ეს იყო 6 აგვისტოს: ვალიკო ჯუღელთან ერთად ერთი კრების შემდეგ სახლში ვბრუნდებოდი; იქნებოდა დამის 10 საათი, როცა პასტერის ქუჩას შევეხვიეთ. მივედით თუ არა ქუჩის უფრო ბნელ ნაწილში, უკანიდან თავს დაგვესხა სამი რევოლვერ ამოღებული ჩეკისტი: მოროზი, მიქაძე და ერთი ებრაელი, რომლის გვარი აღარ მახსოვს. მოროზი და მიქაძე მისცივიდნენ ვ. ჯუღელს, მესამე კი მომვარდა მე, გულზე რევოლვერი დამადო. ამ ყოფაში და საშინელი გინებით დაგვებრუნეს უკან. გზაში ვ. ჯუღელმა განიზრახა წინააღმდეგობის გაწევა და დააპირა კიდევ



ჯიბიდან რევოლვერის ამოღება, მაგრამ გაუგეს: მაშინვე ჩამოგლიჯეს ორთავე ჯიბე და იარაღი ამოაკალეს. ამის შემდეგ, რასაკვირველია, კიდევ უფრო უდიერი გინებით მიგვიყვანეს მუშკოპში (კირანნი ქ.). აქ ჩეკიდან გამოუტანეს ავტომობილებს. ცდა დიდ ხანს არ დაგვიჭირებია: რამოდენიმე წუთში მოვიდა ორი ავტომობილი, ცალკ-ცალკე ჩაგვსხეს და წაგვიყვანეს ზაქჩეკაში. მე მახლდა ერთი ჩეკისტი და მთელი გზის განმავლობაში გულზე რევოლვერი ჰქონდა მობჯენილი. რისი ეშინოდა—ღმერთმა იცის-ცხდი იყო, რომ გაქანებული ავტომობილიდან ვერ გადავხტებოდი. ჩეკის კომენდატურაში თითქმის სამი საათი მომინდა ცდა. 2 საათი სრულდებოდა რომ მოვიდა საქ. ჩეკის თავმჯდომარე, კვანტალიანი, და შემეკითხა: «ვინ დაიჭირეს თქვენთან?» გვარი არ ვიცი მეთქი, ვუპასუხე. გაბრაზებულმა გასცა განკარგულება: ჩააგდეთ ესლავე სარდაფშიო. მართლაც, მაშინვე ჩამიყვანეს სარდაფის პატარა ერთეულში, რომლის სიგრძე თორმეტი მტკაველი იყო და სიგანე ხუთი (აბა მთელი დღეების განმავლობაში რა გამეკეთებინა, რომ ჩემი «ბინაც» არ გამეზომა). შიგ იდგა პატარა დამტვრეული ტანტი და საშინელი მახრჩობელა სუნის გამომშვები, დაუხურავი «პარაშა». ბევრი ვთხოვე გაეტანათ ის იქედან, მაგრამ არა ქნეს.—ჩვენც ეგ გვინდა, რომ შუწუხდეთ, თუ არა აქ კი არ შემოვიყვანდითო.—მიპასუხა ჩემ თხოვნაზე ზაქჩეკის თავმჯდომარე მოვლიდესიმ. მეორე დღეს წამიყვანეს «გამომძიებელთან», იმავე მოროზთან, რომელმაც დაგვიჭირა. შესვლისთანავე მან დამისხა იგივე კითხვა, რაც წინა დღეს კვანტალიანმა. იგივე უპასუხე. მოროზმა მიყვირა: «იცი მე ვინა ვარ? მე მოროზი ვარ» და ხელში რევოლვერი აათამაშა, რომელიც იქვე მაგიდაზე იდო. (მართლაც ამ დროს მოროზი განთქმული იყო თავისი სიმკაცრით, რითიც, როგორც ხედავთ, თითონვე ამყობდა). რადგან ამით ვერაფერს ვახდა, დაუძახა ჩეკის ზედამხედველს და უთხრა: ჩააგდეთ ისევე იქვე და სანდა ჰქვანე არ მოვა და თითონვე არ დავგიძახებ, არ გამიჩიყვანითო. ჩამიყვანეს ისევე იმ საკანში და მართლაც 20 დღის განმავლობაში დამე დღეთ მიქციეს და დღე დამეთ. რადგან სინათლეს მხოლოდ დამე იძლეოდენ, დღე კი სრული სიბნელე იდგა. დილა-სადამოს გვაძლევდენ ცხელ წყალს, რომელშიაც დაცურავდა ერთი-ორი მარცვლი ლობიო, ან და კომბოსტოს რამოდენიმე ნაგლეჯი და პაწია ნაჭური ხორცი. მთელი კვირის განმავლობაში ვერც ასეთი მშვენიერი საზრდოთი ვისარგებლე. ვინაიდან მომცეს ერთი საშინელი ჭუჭყიანი ჯამი, დაქანებული ჭოვნი და ფინჯანი. ამითი მხარება სრულიად შეუღლებელი იყო; ამიტომ, სანამ მშობლები გააგებდნენ ჩემ დაპატიმრებას და მიპოვნდნენ, ვარჩიე ისევე მშვიდი ცყოფილიყვია. შემდეგაც სახლიდან გამოგზავნილი საქმელი იძულებული ვიყავი უკან დამებრუნებინა, რადგან ჩემი საკნის ჰაერმა ისე დამასუსტა, რომ ჭამის თავიც აღარა მქონდა.

მეოცე დღეს, როგორც იყო, სრულებით ძალა გამოლეული და ხმა დაკარგული გადმივიანეს საერთო საკანში. ეს საკანი უფრო დიდი და ნათელი იყო; შიგ დამხვდა ორი პოლონელი ქალი, რომლებთანაც გამოლაპარაკება შემეძლო. ჩვენდა საუბედუროთ გვერდით იყო ფეხის ადგილი და აქაც საშინელი სუნით ვიხრჩობოდით: ამის და მიუხედავად ბედნიერი ვიყავი, რომ იმ სარდაფს დავახწიე თავი. ეს იყო უკვე 26 აგვისტოს.

28 აგვისტო დამე ასტყდა ჩეკის ეზოში დიდი აურ-ზაური, იარაღის ჩხარუნის, სირბილი, ხმა-მალა ლაპარაკი,—რაც ჩვეულებრივ არ ახასიათებს ჩეკის ცხოვრებას. იქ ყოველთვის, მეტადრე დამით, სამაოისებური სიჩუმეა. ჩვენ მაშინვე მივცვივდით კარებს, სადაც პატარა, ჩეკისტებისაგან შერუმჩვევლი, ნახვრეტი იყო გაკეთებული. დავინახეთ, რომ მთელი ეზო გაქედილი იყო ხალხით, ურიგებენ იარაღს. მჭკრივებათ აწყობდნენ და მიჰყავდათ. იმათ ალაგს კი სხვები იჭერდნენ. მივხდი, რაშიაც იყო საქმე... ჭუჭრუტანას თვალს არ ვაშორებდი, ვცდილობდი არაფერი გამომპაროდა.

ღამის 2 საათი იქნებოდა, როცა ჩვენ გვერდით საცნებო გააღეს მოგვესმა კომენდატის ხმა: «ბებ ვეშჩი». ვიფიქრეთ დასახვრეტათ მიჰყავნო, მაგრამ მეორეს მხრივ ეს ხალხი ამ საცნებოში იხსდნენ ზოგი 8 თვე, ზოგი 8 და მეტიც; ამიტომ ეს აბრი დაუჯერებელი გვეჩვენა. მით უმეტეს, რომ ცოტა ხნის შემდეგ იმავე საცნებოში ისევ შეიყვანეს ხალხი და კარები ჩაქეტეს. ის კი ველარ გავარჩიეთ—იგივე პატიმრები იყვენ, თუ სხვები. საერთოთ ამ დამეს ძალიან ბევრი მოიყვანეს ახალი პატიმრები და ისევ გაიყვანეს საკომენდატოსაკენ. გვესმოდა ხშირათ საბარგო ავტომობილების მოსვლა და წასვლა, თოფების ჩხარუნის და უსიტყვო ყვირილი. გათენებისას დაწყნარდა ყველაფერი და ეზოც დაცარიელდა. მხოლოდ პირისახანათ რიგ გამოიყვანეს დილით პატიმრე

ბი, დაეინახეთ, რომ ერთეულებში უკვე სხვა ხალხი ჩაესვით, მორიგ ზედამხედველს კი გამოჰქონდა იქიდან ყოფილების ბარგი. აქ მივხვდით, რომ ივინი ღამით დახვრიტეს. დღისით თუმცა სიწყინარე იყო ჩეკაში, მარა მთელი დღის განმავლობაში, აგრეთვე შემდეგ დღეებში, მოყავდათ განუწყვეტლივ ახლათ დაპატიმრებული ხალხი, ღამით კი ისევ გაჰყავდათ და ამის შემდეგ მათ ველარ ვხედავდით.

30-ს დღითი კარებში რომ გავიხედე, წარმომდგა საშინელი სურათი. შუა ეზოში წყალსადენი იყო. მას შემოსვლიდან მთელი ჩეკის კომენდანტები. მათი თეთრი ხალათები და წაღები სისხლისაგან გაწითლებული იყო. ამ სისხლს იბანდნენ, ერთმანეთს ეოხუნჯებოდნენ და იცინოდნენ. ამ სურათს ველარ გაუძეული და გამოვბრუნდი უკან. მაგრამ, სად წაუხვალ ჩეკაში ჩეკისტს. არ გასულა ნახევარი საათი, რომ ყველა ესენი ამღვრეული, აწითლებული თვალებით, ბარბაცით (არ ვიცი დალილოლობისაგან თუ ალკოგოლისაგან) შემოვიდნენ საკანში მორიგეობის ჩასაბარებლათ. ჩვენთან წინა დღით დაჭერილი პოლკოვნიკი სერგეულიძის ცოლი იყო. მან ერთ ერთ კომენდანტს (ოგანეზოვს) სთხოვა—არ ვიცი, სად არის ჩემი ქმარი და მითხარითო. წინა დღით ერთათ დაიჭირეს და სად წაიყვანეს, არ იცოდა. კომენდანტმა გაიცინა და უპასუხა: ჩვენ ვიცით, სადაც არის და როცა დრო იქნება, თქვენც გაიგებთო. მე კი წინ ღამით დაეინახე, როგორ გაიყვანეს იგი ერთეულიდან. ცხადია, რა შობაზე დილებას დასტოვებდა ჯერ ერთ ის სურათი და მეორეც ასეთი ცინიკური პასუხი.

ასე ვაგრძელებდა ხუთი დღე. შებინდებოდა თუ არა, ჩეკის ეზო გაივსებოდა ხალხით, მთელი ჩეკა ფეხზე დგებოდა, მთელი ღამის განმავლობაში საშინელი სმაურობა, საბარგო ავტომობილის გრიალი, იარაღის ჩხაკუნი არა სწყდებოდა, გათენებისას კი ყველაფერი მიწყინარდებოდა. ხუთი დღის შემდეგ მართალია პატიმრები ისევ მოყავდათ, მარა უფრო წინარათ და ჩვეულებრივი მალვით. ამ დროის განმავლობაში ჩვენი საკანიც გაივსო ხალხით, პატიმრების რიცხვი 3-დან 16-დგ ავიდა. აქ იყვნენ ახალგაზდებიც, მოხუცნიც, მუშები, მოსამსახურენი, მოსწავლენი, სანდონი, უნდონი და საერთოთ ყველა ჯურის ხალხი; გიცი კი არ გვავლდა. მერე მთელი ორი კვირა მოუხდნენ ჩეკის გაწმენდას. ეს ხალხიც გადაიყვანეს ციხეებში. მეც მოუთმენლად ველოდი ჩემს ჯერს, რადგან მეტეხში გაბო ცისკარაშვილი (3 წლის პატიმარი) და გერასიმე ფორცხალიაშვილი (8 თვის) მეგულებოდნენ. ნახვის დიდი სურვილი მქონდა. ორი თვის შემდეგ მეც მელირსა მეტეხში გადასვლა, მაგრამ... ამხანაგები დახვრეტილები აღმოჩნდნენ. აქ მომიხწრო ნოემბრის ამნისტიამ და გამათვისუფლეს.

ცნობილია, ვისაც ერთხელ გადაუბრუნდება ფეხი და ჩეკაში მოყვება, მერე მას მოსვენება აღარა აქვს. ასევე დამემართა მეც. მართალია გამათავისუფლეს, მაგრამ არ გაუღლია ორ კვირასაც კი, რომ ჩემ ბინას თვალ-თვალი დაუწყეს. მეც მეტი რომ ვერაფერი მოვახერხე, წავედი სოფელში. ერთი თვის შემდეგ ჩამოველ და დავიწყე უნივერსიტეტში მეცადინეობა. აპრილამდე არავის შევეუწყულებივარ. ამ თვის ბოლსე კი, როდესაც გაცხარებულნი მუშობა იყო უნივერსიტეტში და გამოცდებისათვის ვემზადებოდი, ისევ შევამჩნიე, რომ ფეხ და ფეხ მდევნენ. რალს ვიზამდი. დავანებე მეცადინეობას თავი, გადაველ არა ლეგალურ ცხოვრებაზე და ისევ დავტოვე თბილისი. წაველ აბასთუმანში, ვინაიდან ჩეკამ დიდი ნიშანი დაასვა ჩემს ჯანმთელობას. რომ მოახლოვდა აჯანყების წლის თავი, მთელ საქართველოში და აბასთუმანშიც დაიწყო მასიური დაჭერები. იქ თავის შენახვა არ შეიძლებოდა და მეც ვარჩიე თბილისში დამალვა. ავგისტომ გაიარა. მე თავისუფალი ვიყავი, მაგრამ ჩეკის კოლეგიას გადაწყვიტა ჩემი დაჭერა და რუსეთში გადასახლება (ეს შემატყობინა ერთმა კომუნისტმა). ასეც მოხდა. 12 სექტემბერს დამიჭირეს. მეორე დღესვე გამომიცხადეს, ორი დღის შემდეგ რუსეთში გავხანითო და ჩამსვეს «ბოჩკაში», ე. ი. საკანში, რომლის მოყვანილობა ნამდვილ ბოჩკას მოგაგონებთ: ზევით და ქვევით ვიწრო, შუაგული კი უფრო ვანიერი. დიამეტრი ორი მეტრი ჰქონდა, სიმაღლე—ორი ნახევარი მეტრი. ფანჯარაზე ლაპარაკი, რასაკვირველია ზედმეტია. ჰქონდა ერთი პატარა კარი, რომელშიც პაწაწინა სარკმელი იყო ამოჭრილი, მაგრამ ისიც მუდმივ დაკეტილი, ვაღება სასტიკათ აკრძალული იყო. სექტემბერის დასაწყისში ხომ თბილისში ჯერ კიდევ სიტყვები დგას და ადვილი წარმოსადგენია ის, თუ რა საშინელი სიტყვი და ჰაერი იქნებოდა ამ ჩვენს ბოჩკაში. მეტადრე შიგ ვიყავით ორი ქალი და ბოლოს სამნიც კი. პირველ დროს დღეში სამჯერ

გავყავდით ფეხის ალაგში, და რამოდენიმე წუთით მაინც იყო გაღებული კარები. ზღაპრული ლოს ესეც ავგვიკრძალეს და ჩვენი კარები სრულებით აღარ იღებოდა.

ასეთ მდგომარეობაში, ცხადია, რუსეთში გადასახლებაც კი სასურველი იყო. მაგრამ ვაიარა დაპირებული იყო დღე, ორი კვირაც, თვეც; გადამიყვანეს მეტეხში და გადასახლებაზე აღარაფერს აღარაფერს მეუბნებოდა. ბოლოს მეც გადავწყვიტე. გადაიფიქრეს მეთქი, თან ექიმმა ჩემი ფილტვების ავთომყოფობა დაადასტურა და მეც ვთხოვე ადგილობრივ ციხეში დატოვება. მაგრამ თურმე ვცდებოდი: ვინ აქცევდა ჩემს ავთომყოფობას ყურადღებას. დაპატიმრების ორი თვის შემდეგ მეტეხიდან ჩეკაში გამომიძახეს. გადასახლებას რადგან აღარ მოველოდი და ისიც ვიცოდი, რომ ხალხი, რომელიც უნდა წასულიყო პირველი ეტაპით, არ გამოიძახეს, ვიფიქრე უბრალო დაკითხვებზე მეძახოდნენ, ამიტომ არაფერი არ წავილე თან. მიმიყვანეს ჩეკის საკომენდანტოში. იქ რალაც მზადება შევამჩნიე. მორიგი კომენდანტი ავტომობილს და მცველებს ეძახდა ტელეფონით. ეჭვი შემეპარა და შევეკითხე მას. თუ რას მიპირებდნენ. გაიგებთო, მითხრა. ბოლოს მოვიდნენ ჯარისკაცებიც, ავტომობილიც და მომმართეს: «აბა წავიდეთო». აქ კიდევ ვკითხე: დაბოლოს მითხაოთ. სად მგზავნით მეთქი. ისევ ისეთი უქმენი პასუხი მივიღე: «როცა მიხვალთ, გაიგებთო». მეტეხში ფული და ბარგი მქონდა, ვთხოვე ის მაინც გაეტანებინათ, მარა ამაზედაც უარი მივიღე. ასე წამიყვანეს რუსეთში უფულოთ და სახაფხულო ტანისამოსით.

მოსკოვის გეპეუში საერთო საკანში ჩამსვეს. ერთ პატარა ოთახში ოცი ქალი ვიყავით. ნოემბრის შუა რიცხვები იყო, მარა ამ ოთახში ისეთი სიციხე და დახშული პაერი იდგა, რომ ქალები წამდაუწუმ გრძნობას კარგავდნენ.

ერთი კვირა დამტოვეს აქ. შემდეგ გადამიყვანეს გეპეუს მეორე ნაწილში, აქედან შემომატარეს თითქმის მოსკოვის ყველა ციხეები და ბოლოს ბუტირკაში მოგვხვდი. შემიყვანეს სისხლის სამართლის პატიმრებთან. პატარა საკანში იყო თორმეტი ქალი: პროსტიტუტკები, ქურდები, მკვლელები და ისეთნიც, რომელთა ვინაობა გამოურკვეველი დარჩა ჩემთვის. რომ შეველი საკანში და გავიგე იქიდან არ გადამიყვანდნენ და მომიხდებოდა ამ ხალხთან ცხოვრება, საშინელ გუნებაზე დავდექი. ცოტა მომეშვა გულზე, როდესაც კედელზე დიდი ასოებით განცხადება დავინახე: კვირაში ორჯერ წიგნების გამოცვლა შეიძლება. აღნიშნული დღე სამშაბათს ხვდებოდა. დავუძახე ზედამხედველს და წიგნი მოვთხოვე. მარა უკვე გვიან იყო, დამპირდა პარასკევის მოგცემოთ. დაიწყო პარასკევის ღოდინი. მოვიდა ეს დღეც. არავითარი წიგნი არ მოუციათ. სამი კვირის განმავლობაში ყოველ დღე ვთხოვდი როგორც წიგნს აგრეთვე ქინას, რადგან სასტოკი ციება დამიწყო; ვერც წიგნს და ვერც წამალს ვერ ვეღარსე. სამი კვირის შემდეგ წამიყვანეს ვიატკაში. აქაც ჩემდა საუბედუროდ ჩამსვეს სისხლის სამართლის პატიმრებთან. ოთახში ვიყავით ორმოცი ქალი. მათ შორის პოლიტიკური მხლოთ მე ვიყავი, დანარჩენები—ისევ პროსტიტუტკები და მკვლელები. უნდა იცოდეთ, რას წარმოადგენენ სოფლის პროსტიტუტკები, და ისიც რუსეთის სოფლის. მთელი დღის განმავლობაში შეუწყვეტლივ გაისმოდა მრავალ-საფეხურიანი რუსული გინება. საკვირველი ის იყო, რომ იმ დალოცვილებს არც ღამე ეძინათ და ღამეც ოსეთივე ყაყანი იდგა საკანში, როგორც დღისით. მას დაუმატეთ სამი თუ ოთხი ძუძუ-მწოვარა ბავშვები და სრული სურათი წარმოგადგებათ ვეღარწინ. ასეთ ყოფაში გავატარე ათი დღე. რამოდენიმე განცხადების და თხოვნის შემდეგ გადამიყვანეს გეპეუსში. გამომიძახა თავმჯდომარემ (არგოვმა). ლაპარაკის დროს ვთხოვე ვიატკაში დავეტოვებინე ავთომყოფობის გამო. ვიცოდი რომ მაზრაში საექიმო დახმარებას მოკლებული ვიქნებოდი. მან წინადადება მომცა: გახდი ჩვენი საიდუმლო აგენტი და ყველაფერს აგისრულებთო. ამან ჩემზე საშინლათ იმოქმედა. მართალია, წამება ბევრიც გამომივლია, მაგრამ ასეთი შეურაცყოფა პირველი იყო. როდესაც გაბრუნებული ავდექი წამოსასვლელათ, შემეჩარა და მითხრა: «ეს ჩვენი ლაპარაკი საიდუმლოთ უნდა დარჩესო».

მესამე თუ მეოთხე დღეს გამგზავნეს იარანსკში. ეს პატარა მივარდნილი სამაზრო ქალაქია. 150 ვერსი ცხენით უნდა გამეარა, რის უფლებაც ექიმების მოწმობების, ბევრი თხოვნის და ბოლოს ქვეითად წასვლაზე კატეგორიული უარის გამოცხადების შემდეგ მომცეს. საშინელი თოვლი და ყინვები იდგა. მე კი ვიყავი საშინაო ჩუსტების, თხელ ჩულქების და სახაფხულო პალტოს ამარა, თანაც უქულოდ, (ქუდი მოსკოვის ციხეში მომპარეს.) პირველ ათ ვერსზე საშინლათ ვავიყინე; თითქმის გრძნობასაც ვკარგავდი. ჩემს ბედზე მცველებს ჯარისკაცებისათვის ტანსაცმელი მიჰქონდათ

იარანსკში. დიდი ყოყმანის შემდეგ გადასწყვიტეს ვალინკები ეთხოვინათ ჩემთვისა და ვალინკებმა ცოტა მიშველეს და როგორც იყო მეექვსე დღეს ჩავედით დანიშნულ ალაგას. იქ არც ბინა მომცეს და არც ის ექვსი მანეთი, რომელიც შეკუთვნოდა. (გადასახლებულებს ექვს მანეთს აძლევენ თვეში.) დაგრჩი ქუჩაში, უფულოთ და უბინოთ. როგორც იყო გავიგე გადასახლებულების მისამართი და მივედი მათთან. მათ შემინახეს სანამ მშობლებიდან დახმარებას მივიღებდი.

ამით გათავდა ჩემი მოგზაურობა ციხეებში, მაგრამ არ გაუვლია ორ თვესაც კი, რომ გამომიცხადეს, რომ სოფელში უნდა გადაგიყვანოთო. ჩემდა საბედნიეროთ მშობლებმა მომიწერეს და გადამარჩინეს ახალი წამებისაგან.

ქელო ზეციძე.

გვრდობის ქართველი სტუდენტობა და კომუნისტების ხელისუფლება.

თავის არსებობის ორი წლის შემდეგ, 1920 წ., იმ დროს, როცა დამოუკიდებელი საქართველო მთელ თავის ნორჩ ენერგიას შინაურ ამშენებლობას და ჩვენი დამოუკიდებლობისათვის გარეშე მტრებთან ბრძოლას ანდომებდა, — შესძლო მან მაინც დიდი ხარჯების გაღება და 75 ქართველი სტუდენტი განათლების მისაღებათ ევროპაში გამოგზავნა. მთავრობის ასეთ საქმეს დიდი სახელმწიფოებრივი მნიშვნელობა ეძლეოდა. ქართველი სტუდენტობაც აღფრთოვანებით გამოემგზავრა ევროპაში და საქართველოს ერთგულ მთავრობას მაშინ ქებათა-ქებით იხსენიებდა, საქართველოს დამოუკიდებლობას თავიანთ იდეალების ქვაკუთხედათ სახავდა...

ამგვარი იყო მაშინ ეს ჩვენი იდეური ახალგაზობა და ასე, სანამ მთავრობის სალაროში შექმნება იყო, მთავრობაც გამოგზავნილ სტუდენტობას დახმარებას უწყევდა. დახმარებას აძლევდა იმ დროსაც, როცა ქართველი ხალხი ჩრდილოეთის ურდოებში დაიპყრეს და მთავრობა იძულებული იყო სამშობლოდან გამოსულიყო. ამ დღიდან თითქმის სამი წლის განმავლობაში, სტუდენტობა დახმარებას აღებულობდა, რამოდენიმე თვით მთავრობის მცირე თანხიდან და რამოდენიმე თვით კიდევ სხვადასხვა ქველმოქმედ პირთაგან ევროპაში ჩვენი მთავრობის შუამდგომლობით...

და დამახასიათებელი აქ სწორედ ეს არის: სანამ «ფულები» იყო და ამ სტუდენტებს «ქადა და სწავლა» — შეეძლოთ, მანამ მათ საქართველოს დამოუკიდებლობა იდეურათ სწამდათ და კომუნისტურ მთავრობასთან რაიმე კავშირს უარყოფდნენ...

მაგრამ, დროთა ვითარებამ სულ ადვილათ შეარყია ამ ახალგაზობის დიდი ნაწილის პოლიტიკური მიდრეკილება და პრინციპები. საქმარისი იყო მათ გროშები შემოკლებოდათ, რომ მაშინვე საქართველოს დამოუკიდებლობის იდეა კომუნისტურ იდეაზე დაეხურდავებიათ. საქმარისი იყო კომუნისტების ერთი დაძახილი: «ჰა, ბიჭებო დოლარები!» რომ ეს «იდეური სტუდენტობა» მაშინვე მტრებთან მიცვივნილიყვნენ და მათთვის ფიცი დადეთო: «თქვენა ხართ საქართველოს მხსნელი და მოკეთენი და აი ჩვენ თქვენთან ვართო!»

სამწუხაროა, რომ ეს «რჩეულნი» მტერთა ბანაკში მოექცენ, რომ ეს ახალი თაობა, რომლის სამოღვაწეო ასპარეზი მომავალია, ასე ადვილათ, ასე სულმოკლეთ ფულებზე ახურდავებს საქვეყნო ინტერესებს. ამას ქართველი ხალხი ვერ დაივიწყებს და ვერც გაამართლებს, რადგან ლინიში მასთან მყოფი ეს ახალგაზობა განსაცდელის უამს გაეთიშა მას და მტერს მიეკვლოა.

მაშინ, როცა იქ, საქართველოში, ქართველი სტუდენტობა, სამშობლოს თავდაცვისათვის შტრის წინააღმდეგ იბრძოდა, სისხლს ღვრიდა; როცა მოსულომა მტერმა მეცნიერების ტაძარი სატუსალოთ გადააქცია, საიდანაც აუარებელ სტუდენტობას ცინე-კომბირში ერეკებოდა, ხვრეტდა და აწამებდა, — იმ დროს აქ, ევროპაში, ხალხის მიერ გამოგზავნილი «რჩეული სტუდენტობა» თავისუფალ ცხოვრებას ეწეოდა და წარმოიდგინეთ, ზოგ მათგანს იმ დროს უბრალო, მორალურათ გამამხნეველები დეპეშის გაგზავნა ქართველ ხალხისათვის ეწელებოდა იმ «საბუთით» და «მოსახრებით», რომ ჩვენ აქ მოსწავენი ვართ და პოლიტიკაში არ ვერცხვითო!

მარა სულ მალე მათი ამგვარი «პოლიტიკური პოზიცია» ადვილათ მოშალა კო-

მუნისტურმა დოლარებმა. ამ დოლარების მიღებას ისინი პირველად სულ უბრალოდ
 ასაბუთებდნენ.—«ეს ფულები ხალხის ფულებია და რატომ ჩვენც არ ჩაივიჯობოთ!»
 მაგრამ ყველამ იცოდა, რომ ეს მხოლოდ პირველი ნაბიჯი იყო იმ პროვოკაციის გზაზე,
 რომელსაც «გაბრწყინის კამპანია» ეწოდება.

რაკი სტუდენტებს მადა აღუძრეს, ვექსილებზედაც ხელისმწერა მოსთხოვეს
 და მათაც მტრის მიერ შეთხზულ ფურცლებზე ხელის მოწერით დაადასტურეს თავი-
 სი დალატი. ესლაკი ეს ვაებატონები ფულის ჩაჯიბვის გასამართლებლად იგონებენ
 შესაფერ პოლიტიკურ იდეოლოგიას. ეხლა შულავერით მივლინებული მახარაძე-
 ელიავეტი ყოფილან ხალხის მსხენლნი. და ასე თუთიყუშითი იმეორებენ ბოლშევიკე-
 ბის ნაკარანხვეს, რადგან ყოველივე აქ ფულს ემყარება. ოღონდ ფულები იყოს და სა-
 ქართველო მეწყერსაც წაუღიაო!

და დღეს ეს ვაებატონები, ზოგი საქართველოში ჩაბრძანებულნი, ზოგი აქ, «დი-
 პლომების» მისაღებათ დარჩენილნი ქართველ ერს «სამსახურსაც» კი პირდებიან, «და-
 ხმარებას» აღუთქვამენ. მარა ქართველ ერთან მათ საერთო არაფერი აქვთ, ისინი ენმა-
 რებიან და ემსახურებიან ხალხის მტერთ.

ჩვენ ვლაპარაკობთ საზოგადოდ იმ ქართველ სტუდენტებზე, რომლებიც უცხო-
 ეთში ქართველ ერს გადაუდგა, მაგრამ სახეში გვეყავს განსაკუთრებით ის ახალგაზდები,
 რომლებიც ქართველი-ხალხის ხარჯზე გამოგზავნილ იქნენ გერმანიაში და გასაპირის
 დროს პირველნი გადაბარგდენ მტრის ბანაკში რამდენიმე პირის გამოკლებით.

საბედნიეროდ ქართველ ხალხს ჰყავს სხვა ახალგაზდობა, სხვა სტუდენტობა,
 რომელიც უნაგაროდ იბრძოდა და იბრძვის დღესაც დამოუკიდებლობისათვის შინ და
 გარეთ, ციხე-ციმბირის და ხვრეტის მოურიდებლად. ესენი დგანან ეროვნული ბრძო-
 ლის წინა რიგებში, თავიანთ ბედს ქართველი ერის მისწრაფებაზე. მის თავისუფლებასა
 და დამოუკიდებლობაზე აწინებენ. და მხოლოდ ესენი დაიმკვიდრებენ ქართველი ერის
 მომავალს. ამ გზას ვერ გააბრუნდებს ვერც ბოლშევიკური დოლარის ძალა, ვერც
 გელეიშვილ-სულაქველიძეთა მოწოდებანი.

ჩვენ შეგვიძლია აქედანვე ვიწინასწარმეტყველოთ, რომ დღეს მტრის სუფრაზე
 შემომსხდარი ახალგაზდები თუ მოხუცი გამარჯვების ჟამს შეეცდებიან ისევ ჩვენს
 ბანაკში მოხონდნენ იმავე ანგარიშით, რომლითაც მტრის ბანაკს მიაკითხეს. მაგრამ ჩვენ
 გვრწამს, რომ ქართველი ხალხი მათ საგმირო საქმეებს არ დაივიწყებს და ქამელუნთ
 ღირსეულ ჯილდოს მიუზღავს.

უდელარო.

წ ე რ ი ლ ე ბ ი ი ნ გ ლ ი ხ ი დ ა ნ .

II.

- 1) ტრედუნიონთა გენერალური საბჭო და მემლაროენი. 2) კანონ-
 პროექტი ტრედუნიონების წინააღმდეგ. 3) კუკი რუსეთში.
- 4) საბჭოთა რუსეთის შესახებ ინგლისის პარლამენტში.

გასული წლის მაისის საყოველთაო გაფიცვა, რომელიც გამოცხადებული იყო
 მემლაროეთა მხარის დასაპურათ, 9 დღე გაგრძელდა. მემლაროენი არ დაეთანხმენ გე-
 ნერალთრ საბჭოს რჩევას, რომ მათ მოლაპარაკების ბაზათ «სამეულის» მემორანდუ-
 მი მიედლოთ და ერთნაირ კომპრომისზე წასულიყვნენ. ბრძოლა მარტო მაღაროთა მუ-
 შებმა გააგრძელეს. მთელი შვიდი თვის განმავლობაში, სანამ ბრძოლა გრძელდებოდა
 მემლაროეთა ლიდერები გენერალური საბჭოს უსაყვედურებდენ—ადრე მივგატოვეთ,
 ბრძოლა არ გააგრძელეთ ჩვენთან ერთათ, თორემ შას უთუთოთ მოვიგებდითო. გენერა-
 ლური საბჭო კი, თავის მხრივ, ფედერაციის ლიდერებს ამტყუნებდა—მდგომარეობის
 მთელი სირთულე ვერ შეიგნეთ, ბევრი მეტათ ხელსაყრელი მომენტები გაუშვით, უბ-
 რალა დემოკოგიით კმაყოფილდებოდით და ამ გზით ბრძოლის მოგება შეუძლებე-
 ლი იყოო.

რუს ბოლშევიკებმაც მოინდომეს ინგლისის მუშათა მოძრაობის ამ შინაური
 უთანხმოების გამოყენება თავიანთ მიზნებისათვის. პროფინტერნის გენერალური მდი-
 ვანი ლოზოვსკი «იხვესტიაში» სწერდა—ინგლისელები გაუგებარი ხალხია, თავის

ცხვირს იქით ვერაფერს ხედვენ და შილინგებით რასაც გინდა იმას აქნევენ. მაღალ იყო, რომ იმ შვიდი თვის განმავლობაში ბრძოლაში მოქანცულ და დამშეულ მემალარობებს ბოლშევიკებმა მილიონ ასი ათასი გირვანქა სტერლინგი გადმოუგზავნეს. ეგონათ მათ მოისყიდდნენ და მოსკოვზე დააწყებინებდნენ ლოცვას. აქი მოსკოვის ინგლისელი აგენტები ეუბნებოდნენ კრებებზე მემალარობებს: «აი, ხომ ხედავთ, ამხანაგებო რამდენი ფული გადმოგვიგზავნეს რუსის ბოლშევიკებმა, შემდეგში კიდევ მეტი დახმარება გექნებათ, საჭიროა მხოლოდ მათთან ვიყოთ და მათ დაუპიროთ მხარიო». მაგრამ აღმოჩნდა, რომ მოსკოვმა ამდენი ფული ამათ დახარჯა: მემალარობებმა მისი იმედი არ გაამართლეს.

არაგანაც გენერალურ საბჭოს და მემალაროეთა ფედერაციას შორის დამოკიდებულება მეტათ გამოწვევებული იყო, ორივე მხარე შეთანხმდა დავის გარჩევა გადაედვათ გაფიცვის დასრულების შემდეგ დროისათვის, რათა მემალაროეთა ბრძოლისათვის ხელი არ შეეშალათ, ამ წლის 20 იანვარს შეიკრიბა ტრედუნიონების ეკსკუტივების (აღმასკომის) კონფერენცია და იქ შეხვდნენ ერთმანეთს გენერალური საბჭო და ფედერაციის ხელმძღვანელი. ხანგრძლივი დებატების შემდეგ კრებამ 2,840,000 ხმით 1,095,000 (ამათ შორის 800,000 მემალაროეთა ხმა იყო) წინააღმდეგ მოიწონა გენერალური საბჭოს ხაზი და მოქმედება საყოველთაო გაფიცვის დროს; ამ ხაზს მკითხველი ჩვენი წინა წერილებიდან იცნობს.

ვინც გულდასმით გაეცნობა გენერალურ საბჭოს და მემალაროეთა ფედერაციის მოხსენებებს 20 იანვრის კონფერენციაზე და მიუდგომლათ შეაფასებს მათ, მისთვის ცხადი იქნება ყველა ის შეცდომები, რომელიც ორივე მხარეს ჩაუდენია ამ დიდ ბრძოლის დროს.

პირველი დიდი შეცდომა მდგომარეობდა იმაში, რომ საყოველთაო გაფიცვისთვის არაგითარი მზადება არ ყოფილა და ამ მზადებას, თუ გენებათ, შეგნებულათაც გაურბოდნენ. შიშობდნენ, ვაი თუ ბრძოლისათვის სამზადისმა მისი ფსიქოლოგიური აუცილებლობა შექმნასო. მთავრობა კი ამ დროს დიდ სამზადისში იყო და ბრძოლასაც კარგათ მომზადებული შეგნდა. დაბოლოს გენერალური საბჭო იძულებული შეიქნა მოუზადებელი გამოეცხადებია საყოველთაო გაფიცვა, რომლის უდიდესი შედეგები მან ვერ გაითვალისწინა და ალბათ ამიტომაც ბრძოლა ადრე შესწყვიტა და შესწყვიტა სწორეთ იმ დროს, როცა ამას არავინ მოელოდა. გაფიცულთა სულისკვეთება კარგი იყო, ბრძოლას ახალი კადრებიც ემატებოდა, საზოგადოებრივი აზრი მთლიანათ მემალარობების მხარეზე იყო და ლოკალურის მოხსნას თხოულობდა. გარეგნულათ, ყოველშემთხვევაში, იმ დროს ბრძოლის შეწყვეტა ბევრისათვის გაუგებარი იყო.

გენერალურ საბჭოს არც გაფიცვის მთავარი საგანი ქონდა მათლათ გარკვეული. ჯერ, გაფიცვის წინა თვეებში, ის სუურიგებელი იყო ხელფასის დაკლების, სამუშაო დროს გადაიდების, ან ნაციონალური მასშტაბით შეთანხმების პრინციპის შეცვლის საკითხებში. გაფიცვის გამოცხადების წინ კი, როცა მდგომარეობა გართულდა, გენერალურ საბჭოს და თვით ტრედუნიონთა ეკსკუტივების კონფერენციას ექვი შეეპარა მემალაროეთა მოთხოვნილებების მთლიანათ განხორციელების შესაძლებლობაში. კონფერენცია თავის ინსტრუქციაში გენერალურ საბჭოსადმი კითხვის «საპატიო მოგვარებაზე» ლაპარაკობდა, რაც ერთნაირ კომპრომისს გულისხმობდა. კუქს კი ეს «საპატიო მოგვარება» მემალარობების ყველა მოთხოვნილებების უკლებლივ განხორციელებათ ესმოდა. აი, ასეთი არე-დარევა სუფევდა ბრძოლის მიხნების გათვალისწინებაში ამ ბრძოლის ხელმძღვანელთ შორის.

მემალარობებმა ბრძოლა მთლიანათ წააგეს. დღევანდელი მათი მუშაობის პირობები ვაცილებით უარესია იმ პირობებზე, რომელიც მათ 7 თვის განმავლობაში არა ერთხელ წაუყენეს კონფლიქტის სალიკვიდაციოთ. ბრძოლის უზომოთ და უაზროთ გაკიანურება, მისი ასეთ კულ პირობებში დასრულება ბრალათ ედება უპირველესათ ხელმძღვანელებს, რომელთაც ვერ გამოიჩინეს სათანადო შორსმჭვრეტელობა და წინდახედულობა. საკმარისია გაეისხნოთ კუქი, კაცი მოკლებული ორივე ამ თვისებას, სამაგიეროთ მეტათ ექსპანსიური, აღვირ წახსნილი დემავოგი. აი ამ ხელმძღვანელებმა ჩაიდინეს უდიდესი შეცდომა, როცა საყოველთაო გაფიცვის შეწყვეტის შემდეგ, მათ არ მიიღეს ზომები, რომ მემალარობები კომპრომისზე დათანხმებულყვენ და არ მისცეს გენერალურ საბჭოს შესაძლებლობა განეგრძო მოლაპარაკება კონფლიქტის «საპატიო პირობებში» მოსაგვარებლათ.

როცა საყოველთაო გაფიცვა გამოცხადდა, მთავარი მისი ხელმძღვანელი იყო გენერალური საბჭო იყო და თვითოეულ კავშირს მთელი თავისი ძალა-უფლება გაფიცვის დროს მისთვის უნდა გადაეცა. მემალაროეთა ფედერაციამაც გადასცა თავისი ძალა-უფლება მას. მაგრამ, რახან გენერალური საბჭო ხელმძღვანელობდა მთელ გაერთიანებულ მოძრაობას გაფიცვის დროს, აუცილებელი იყო, რომ მას უკანასკნელი სიტყვა ჰქონოდა ბრძოლის დამთავრების დროსაც. მემალაროეთა ფედერაციის ეგზეკუტივი კი ამაზე არ დასთანხმდა და უკანასკნელი სიტყვა თავისთვის დაიტოვა; ამ გარემოებამაც დიდათ შეუწყო ხელი გაფიცულთა სასტიკ დაბრკნებას.

ჩვე აღვნიშნეთ, რომ მემალაროეთა ხელმძღვანელი ვერ იდგენ მდგომარეობის სიმალეზე, რომ ზოგ მათგანში ხშირათ პირადი პატივმოყვარეობა და ჯიუტობა სქარბობდა პასუხისმგებლობის შეგნებას; მაგრამ შეცდომა იქნებოდა წაგებულ ბრძოლის მთელი პასუხისმგებლობა მხოლოდ მათთვის მიგვეკუთვნებია. მათი შეცდომების წყარო უნდა ვეძიოთ არაერთვე მემალაროეთა ორგანიზაციის წყობის ნაკლში. ეს ორგანიზაცია სხვადასხვა რაიონების ფედერაციას წარმოადგენს და ყოველივე საკითხის გადასაწყვეტათ, რაც უნდა სასწრაფო იყოს ის, ამ რაიონების აზრი უნდა შეკრიბონ. მემალაროეთა ხელმძღვანელები, საზოგადოთ, არ ხელმძღვანელობენ, ისინი უფრო ისმენენ მასის აზრს და ამის მიხედვით მოქმედებენ. გაფიცვის დროსაც ხელმძღვანელებს არ ქონდათ უფლება გამოეჩინათ ინიციატივა, ემოქმედათ სწრაფათ და დროს დაუკარგავათ. ამით ჩვენ არ გვინდა იმის თქმა, რომ ლიდერები მასისგან დამოუკიდებლათ უნდა მოქმედებდნენ და მას არაფერს ეკითხებოდნენ; მაგრამ არის შემთხვევები, როცა არჩიულ ხელმძღვანელთ უნდა ჰქონდეს უფლება სწრაფი გადაწყვეტილების მიღებისა. უამისოთ მომავალშიც შეუძლებელი იქნება წარმატებით წარმოება ისეთი ბრძოლისა, რომელიც ქვანახშირის პროლეტარიატმა გადაიტანა გასულ წელს. ამ მხრივ მემალაროეთა ფედერაციას უთუოთ დიდი ნაკლი აქვს. დღეს ფედერაციაში დიდი ლაპარაკია ამის შესახებ: ცდილობენ ისარგებლონ გაფიცვის გამოცდილებით და მოახდინონ ფედერაციის რეორგანიზაცია სულ ახალ საფუძველზე.

გასული წლის ოქტომბერში კონსერვატიული პარტიის კონფერენციამ სკარბოროში მიიღო დადგენილება მოეთხოვა მთავრობისაგან ტრედუნიონების უფლებების შემზღვეველ კანონის გატარება: მთავრობის თავმჯდომარეც შეპირდა ამას თავის პარტიას. ეს დაპირება ეხლა სისრულეში მოყავთ და პარლამენტში შეაქვთ სათანადო კანონპროექტი.

ტრედუნიონები იმოდენა ძალა შეიქნა, რომ ბუნებრივია მათ წინააღმდეგ იერიშის მიტანა მუშათა მოძრაობის მტრების მიერ. ტრედუნიონიზმი დღეს ინგლისში ის ფუძეა, რომელზედაც მთელი მუშათა კლასის მოძრაობა შენდება. ის მუშათა პარტიის ძლიერების უმთავრეს წყაროს წარმოადგენს. ტრედუნიონებისთვის ზიანის მიყენება მოასწავებს მუშათა კლასის პოლიტიკურ ძალის დაზიანებას.

კანონპროექტის პირველი მუხლი უკანონო აცხადებს ყოველივე გაფიცვას, თუ მის შესახებ წინასწარი გადაწყვეტილება არ იქნა გამოტანილი ტრედუნიონების (ან სათანადო ტრედუნიონის) წევრების მიერ. ამ მუხლის მიზანია ხელი შეუქმალოს გაფიცვის საჩქაროთ, მოულოდნელათ გამოცხადებას და მით შეძლება მისცეს მეპატრონეებს თუ მთავრობას დროულათ მოემზადონ გაფიცვის წინააღმდეგ საბრძოლველათ. ტრედუნიონების წევრები, ჩვეულებრივ შემთხვევებში, დღესაც ხმის მიცემით სწყვეტენ გაფიცვის გამოცხადებას; მაგრამ არის ისეთი შემთხვევებიც, როცა დროს გადაპრედი მნიშვნელობა აქვს და გაფიცვას ორგანიზაციების ხელმძღვანელი ორგანოები აცხადებენ.

კანონპროექტის მეორე მუხლი უზრუნველყოფს თვითოეულ მუშას დაზიანებისაგან მისი პოლიტიკური რწმენის გამო. ამ მუხლის აზრის გასარკვევათ უნდა ვიცოდეთ, რომ დღეს კავშირები ხმის უმრავლესობით ადგენენ გადადებულ იქნას პოლიტიკური მიზნებისათვის (მაგალითათ, პარლამენტში არჩევნების ჩასატარებლათ) სპეციალური თანხა. უმცირესობა ემორჩილება უმრავლესობის დადგენილებას და, როგორც არ უნდა იყოს კავშირის ამბოჯიმ წევრის პოლიტიკური რწმენა, ის იღებს თავის წილს. კანონპროექტის ამ მუხლმა კავშირების თვითოეული წევრი უნდა წაახალისოს უარი სთქვას პოლიტიკური მიზნებისათვის წილის გაღებაზე. კონსერვატორები ფიქრობენ, რომ ამით ტრედუნიონების ფინანსიურ მდგომარეობას შეასუსტებენ და მით მუშათა

პარტიის ზრდასაც შეაფერხებენ. მაგრამ მუშათა კლასის პროფესიონალურ და პოლიტიკურ მოძრაობას დღეს უკვე მეტათ ღრმით აქვს გადაგმული ფესვები. მეტათ დიდია ამ მოძრაობის გავლენა ინგლისის საზოგადოებრივ აზრზე, რომ მისი ზრდის და განვითარების ხელაფურთათ შეჩერება შესძლოს მის მოწინააღმდეგე პარტიამ.

კუკი მოსკოვს და პეტროგრადს ესტუმრა. მას იქ დიდი კრებები გაუმართეს, დიდი ოვაციებით მიიღეს ის. კუკზე, როგორც ნერვებ დაზიანებულ ადამიანზე, მრავალრიცხოვანი აუდიტორია ძლიერ მოქმედობს. სანამ ლაპარაკს დაიწყებდეს, მას თვალთა ძლიერ უდიდდება, სახე საშინლათ უწითლდება, აყრის ოფსი, უტყდება ხელ-ფეხის კანკალი. ასეთ მდგომარეობაში ის ლაპარაკობს წუთიერი შთაბეჭდილების ქვეშ, დაუფიქრებლათ და ყველაფერზე, რაც კი ენაზე მოადგება. ასე ემართება მას ჩვეულებრივათ ინგლისში; ესევე დაემართა რუსეთშიაც. რუს პროფკავშირების ყრილობაზე დასასწრებლათ კუკი მხოლოდ ინგლისის მემაღაროეთა ორგანიზაციის მიერ იყო ვაგზავნილი; ლაპარაკობდა კი ინგლისის მთელი მუშათა კლასის სახელით, თუმცა ამის უფლება მისთვის არავის მიუცია. ეს ექსპანსიური ადამიანი გააბრუნა იმან, რაც მას ბოლშევიკებმა თვითანთ თავზე უამბეს. პეტროგრადში, «ლენინის ოთახში», კუკმა შეჰფიცა ლენინს, რომ ის მუდამ მისი «გულწრფელი და მოყვარული მოწაფე» იქნება და... ქარხანა «კრანის ტრეუგოლნიკ»-ში შეპირდა მუშებს, რომ ინგლისში დაბრუნებისას შეეცდებოდა იქ რევოლუციის მოხდენას და საბჭოთა მთავრობის გამოცხადებას. აღუთქვა ბოლშევიკებს, რომ ინგლისის მუშათა კლასის ყველა გამოჩენილ ლიდერებს მალე თავიდან მოიშორებდა და ბურჟოა და მოედანს თვით დაიშვიდებოდა. ოვაციებს, ტაშს სახლვარი არ ქნდა...

კუკი დაბრუნდა ინგლისში. აქაურ მუშათა პრესაში მას შეეკითხნენ: «თუ შენ გენმის ყველაფერი ის, რაც რუსეთში სთქვი, იცოდე, ადგილი აღარ გაქვს ინგლისის მუშათა პარტიის რიგებში. ამ შემთხვევაში, უფრო პატიოსნური იქნება, რომ შენ კომუნისტების ჯგუფს შეუერთდე. ან შეიძლება ყველაფერი ეს იყო შედეგი შენი ჩვეულებრივი უპასუხისმგებლობის და ისტერიული ბუნების? ამ შემთხვევაში კი მუშათა მოძრაობამ უნდა იცოდეს, თუ რა ფასი აქვს ყველა იმ სიტყვებს, რომელიც შენ ინგლისში, თუ უცხოეთში წარმოგიტყვამს»-ო.

კუკმა პასუხათ «დეილი ჰერალდ»-ში დასწერა წერილი, სადაც ამბობს: არაფერი იმის მზავისი, რასაც ბურჟუაზიული გაზეთები მაწერენ, რუსეთში არ მიიტყვამსო; ყოველ შემთხვევაში არ მახსოვს რომ მეთქვასო. ნამდვილათ კი აქაურმა გაზეთებმა უდიდესი სისწორით გადმოიღეს კუკის სიტყვები რუსეთის პრესიდან.

მემსაბრგეთა ფედერაციის კომიტეტშიც განუცხადეს კუკს—რუსეთში ასეთი სიტყვების წარმოსთქმის დავალება შენ ჩვენგან არ გქონდა; უმჯობესია ასეთ ილიუზიებს თავი გაანებო და აკეთო ის, რასაც შენგან ფედერაცია მოითხოვსო.

კუკიც ვხლავ ხშირათ გაიძახის კრებებზე—მე ფედერაციის მოსამსახურე ვარ და გვაკეთებ იმას, რასაც ის დამავალბესო! ვნახათ.

ინგლისის საზოგადოებრივი აზრი დიდის ინტერესით მოელოდა 3 მარტის დებატებს პარლამენტში საბჭოთა რუსეთის შესახებ. ზემბერლენის ნოტის გადაცემის წინა კვირებში მთავრობის წრებში, მიუღ კონსერვატიულ პარტიაში და პრესაში სასტიკი ავიტაცია სწარმოებდა რუსეთთან ყოველგვარ დიპლომატიურ-კომერციული კავშირის შეწყვეტისათვის. სიტის გამოჩენილი და გავლენიანი წარმომადგენლებიც: ურკვარტი, დეტერდინგი და სხვები, რომელნიც წინეთ რუსეთთან საქმიანი კავშირის დაჭერის დიდი მომხრენი იყვნენ, ეხლავ მრავალგვარ გამოცდილების შემდეგ ყველას თვითონ ურჩევენ—რუსეთთან არავითარი საქმე დაიჭიროთ, თორემ დრო და ფული ტყველათ დაგეკარგებათო. აქეთვენ მოუწოდებენ მთავრობასაც, უკანასკნელ ხანებში ბოლშევიკებთან ვაჭრობა თვალსაჩინოთ და საგრძნობლათ შემციოდა ინგლისში; ამ საერთო ანტიბოლშევიკურ განწყობილების ხანაში კი საქმიანი ხალხის ნდობამ საბჭოთა რუსეთისადმი ხომ მთლად იკლო. პანიკამ მოიცვა აქაური ბოლშევიკური დაწესებულები: მათი საელჩო, არკოსი—განსაკუთრებით, როცა კონფლიქტის მოლოდინში საბჭოთა სახელმწიფო ბანკმა ორ მილიონ ნახევარ გირვანქა სტერლინგამდე ინგლისიდან სხვაგან გადაიტანა. საელჩოს და არკოსის მომსახურებმა, ვისაც კი ფუ-

ლი ქონდა აქ შემონახული, ყველამ ის ბანკებიდან გამოიტანეს და მღვღინეობის ელოდენ მდგომარეობის გამოარკვევას.

3 მარტის დიბატების დროს, როგორც მუშათა პარტია, ისე ლიბერალები და კონსერვატორები ერთსულოვანთა აცხადებდნენ, რომ ბოლშევიკების ხელის ფათური ინგლისის საქმეებში ყოვლად დაუშვებელია და რომ ამას ვერც ერთი მთავრობა ვერ მოითმენსო. მუშათა პარტიის სახელით ოპოზიციის ლიდერმა მაკდონალდმა განაცხადა—ჩემბერლენს კიდევ ამ ორი წლის წინეთ უნდა გაეგზავნა უფრო მაგარი შინაარსის ნოტაო. ყველამ ვიცით, რომ საბჭოთა მთავრობა და მესამე ინტერნაციონალი აწარმოებს დაუშვებელ ინტრიგას ჩვენს წინააღმდეგ, მაგრამ მთავარი საკითხი ის არის, თუ რა საშუალება უნდა იქნას მიღებული კონფლიქტის თავიდან ასაცილებლად და შექმნილ მდგომარეობის გამოსაყვებლათო. ნუ დავიწყებდით, ამბობდა მაკდონალდი, რომ საბჭოთა მთავრობას ბევრი რამ აქვს დამკვიდრებული შთამომავლობით მეფის მთავრობისაგან; საბჭოთა მთავრობის წევრები, სანამ მინისტრები გახდებოდნენ, მთელი სიცოცხლე დევნილი იყვენ; მათი პოლიტიკური მოფხმედეველობა განიცდის ციმბირის რეაქციის და მათრახის დიდ ზეგავლენას; ციმბირის ეს რეაქცია უნდა დაემსოს და შეიცვალოს პოლიტიკური შინაური და ინტერნაციონალური პასუხისმგებლობის შეწყვეტითო. ამისათვის კი საჭირო არის ბოლშევიკებთან საქმიანი მოლაპარაკება გაიმართოს. მათთან ახალი ხელშეკრულება დაიდოს და ისინიც მორჯულების გზას დაადგებიანო. დაახლოვებით ასეთივე ოპოზიციას იცავდა მუშათა პარტიის მეორე წარმომადგენელი, სნოუდენი, რომელიც ბოლშევიზმის თეორიის და პრაქტიკის კრიტიკას ყველაზე უფრო თამამად და მოურიდებლად აწარმოებს მუშათა პარტიაში. ის ეუბნებოდა ჩემბერლენს, სცადეთ კიდევ ერთხელ მორიგების გზა და თუ აქედანაც არაფერი გამოვა, მაშინ ვაცილებით მეტი საბუთი გექნებათ სრულიათ შესწავილეთ ყოველივე დამოკიდებულება რუსეთთანო. მაკდონალდის და, რამდენიმეთ, სწოუდენის ილიუზია, ეგებ რამე გამოვიდეს ბოლშევიკებთან მოლაპარაკებიდანო, იმით აიხსნება, რომ მათ შემცდარი წარმოდგენა აქვთ მესამე ინტერნაციონალის და საბჭოთა მთავრობის ერთმანეთთან დამოკიდებულებასზე. მათ გონიათ, რომ მესამე ინტერნაციონალი საბჭოთა მთავრობას ახვევს თავზე თავის პოლიტიკას, მთავრობა კი ცდილობს წესამე ინტერნაციონალის გავლენას თავი დაახწიოს და თავისი საკუთარი, უფრო საქმიანი პოლიტიკა აწარმოვოს. ესენი დღემდე ვერ გარკვეულან იმაში, რომ მესამე ინტერნაციონალი და საბჭოთა მთავრობა პოლიტიკურად უბრალო მაჩანაწლები არიან.

ლიბერალები თავიანთ სიტყვებში განსაკუთრებით ხაზს უსვამდნენ რუსეთთან ვაჭრობის საჭიროებას და ამ მიზნით მასთან ხელახალ მოლაპარაკების გამართვას თხოულობდნენ.

ჩემბერლენი უპასუხებდა ოპოზიციას: «ყველა იმ ფაქტების და გამოცდილების შემდეგ, რაც ჩვენ დღეს გვაქვს, რა ფასი ექნება ჩემს ლაპარაკს ბოლშევიკებთან ახალი ხელშეკრულების დადების შესახებ, როცა ორი წლის შემდეგ შესაძლებელია მითრან, რომ მხოლოდ მე ვიყავი ისეთი სულელი, რომელსაც საბჭოთა მთავრობის სიტყვა დასაჯერებლათ მიმაჩნდა?! არა, ასეთი რამის ჩადენა მე არ შემიძლიანო.

მაგრამ ჩემბერლენს პასუხი უნდა გაეცა არა მარტო ოფიციალური ოპოზიციისათვის, არამედ თვით მისი პარტიის უმრავლესობისათვისაც რომელიც მოითხოვდა რუსეთთან ყოველივე დამოკიდებულება ეხლავე შეწყვეტილიყო. როგორც კერძო სათათბირო კრებებზე, ისე საჯაროთ ჩემბერლენი თავის პარტიულ მეგობრებს შემდგვს უპასუხებდა: ინგლისის მთავრობა ეხლა აწარმოებს მუშაობას ინტერნაციონალის და მშვიდობიანობის დასამყარებლათ. აუცილებლივ საჭიროა მოისპოს ის ეჭვიანობა, რომელსაც ადგილი აქვს ევროპის ზოგ ნაწილებში, განსაკუთრებით აღმოსავლეთ ევროპაში. არის ბევრი საკითხები, რომლებიც წინასწარ მოგვარებულ უნდა იქმნას. სანამ ეს არ მომხდარა, რუსეთთან ეხლავე კავშირის შეწყვეტა უფრო გაგვიძინებდა და გავვირთულებდა მდგომარეობასო. თუ ჩვენ და რუსეთს შორის კავშირი შეწყდება, მთელმა ქვეყანამ უნდა დაიწახოს და იცოდეს, თუ რატომ გახდა ეს აუცილებელი, ვინ არის პასუხისმგებელი, რომ პასუხისმგებლობა სწორეთ იმათ მხრებზე ვინც თავის ქვეყანაში მუშაობის მაგივრათ უმთავრესათ სხვის ქვეყნებში ცდილობს რღვევის და ანარქიის გამოწვევას. ჩვენ გვაქვს მოთმინება, თავდაპირა, მაგრამ ყოველივე მოთმინებას აქვს საზღვარი. მთავრობა იტოვებს თავისუფლებას თვითონ აირჩიოს მომენტი და გადადგას შესაფერი ნაბიჯი, როცა ეს საჭირო და აუცილებელი იქნებაო

სახელმწიფოთა შორის დამოკიდებულების ისტორიაში ძვირათ შეხედებით ისეთ შემთხვევას, როცა ორ მთავრობათა შორის დიპლომატიური კავშირი არსებობდეს და ამავე დროს ერთი მთავრობის ოფიალური წარმომადგენელი ასეთი ენით ლაპარაკობდეს მეორე მთავრობის შესახებ. მაგრამ, როგორც ამასწინეთ ინგლისის ერთი გამოჩენილი პოლიტიკური მოღვაწე ამბობდა: საბჭოთა მთავრობა რალაც არა ნორმალურ მოვლენას წარმოადგენს და მასაც არანორმალური მეთოდებით უმასპინძლებდნენ.

ლონდონი. მარტი 1927 წ.

3.

წ ე რ ი დ ი ჩ ე ნ ო ხ ლ ო ვ ა კ ი ი დ ა ნ .

II)

ეროვნებათა ურთიერთობის საკითხი ჩეხოსლოვაკიაში უდიდეს ინტერესს წარმოადგენს ჩვენთვის, მაგრამ სამწუხაროთ, ადგილის სიმცირის გამო, ჩვენ შეძლება არა გვაქვს დაწვრილებით გავარკვიოთ იგი. აღვნიშნავ მხოლოდ უმთავრესს.

ძველს ავსტრო-უნგრეთში 1867 წლის ცნობილი შეთანხმების ძალით ავსტრია ეკუთვნოდა გერმანელებს, უნგრეთი—მადაიარებს, ხოლო შემდგომ პოლონელებსაც მიენიჭა მართველობა გალიციის რუსინების (ავსტრიელ უკრაინელების), მაგრამ გერმანელები და მადაიარები, რომორც ორივენი ერთად მთელს ავსტროუნგრეთში, აგრეთვე თვითეული მათგანი თავიანთ სახელმწიფოში, შეადგენდნენ საგრძობ უმცირესობას აქედან წარმოსდგებოდა შემდეგი არანორმალური მდგომარეობა: ეს გაბატონებული ეროვნებები მოკლებულნი იყვნენ იმედს, რომ მათთვის ოდესმე, თვით დემოკრატიულ წესებში, მხარი დაეჭირა ხალხის უმრავლესობას. საკმარისი იყო დაჩაგრული ერები პოლიტიკურათ შეთანხმებულიყვნენ, რომ პარლამენტარულ-კონსტიტუციურ წესწოდებულაში გერმანულ-უნგრელთა ბატონობის კვალიც კი გამქრალიყო. ამიტომ საარჩევნო კანონებში შეჰქონდათ მთელი რიგი ოსტატური კომინაციებისა, რომელთა მთავარი მიზანი იყო ეროვნულ უმცირესობათა უფლებების აღმამოფოთებელი დარღვევა. საარჩევნო ბრძოლა იღებდა მწვავე, მახინჯ და უმსგავსო ხასიათს. რამდენათაც ბატონობდა მასების შეგნება, მით უფრო შეურიგებელნი იყვნენ ისინი უცხოელთა ბატონობისადმი. დაწყებული რეისხრატით (საიმპერიო საკანონმდებლო დაწესებულება) და გათავაზებული ყრუ პროვინციის მივარდნილ კუთხის თვითმართველობით, ჩაგრული ერები მიმართავდნენ უმწვავეს ზომებს, რომ გერმანელების და უნგრელების ბატონობა გაეტეხათ. ეს ბრძოლა შეადგენდა სახელმწიფოებრივ და საზოგადოებრივ ცხოვრების შინაარსს და აფერხებდა ყოველივე საქმიან მუშაობას. უმცირესობათა ცდა მიმართული იყო ყოველივე ზომის-თუ გინდ გონიერის-გაბათილებებისაკენ, თუ ამ ზომას «გაბატონებულნი» ატარებდნენ: ამ ბრძოლას მსხვერპლად ეწირებოდა ხალხის უმნიშვნელოვანესი ინტერესები.

ავსტრო-უნგრეთის ეროვნებათა ურთიერთობის თავისებურებას შეადგენდა ის გარემოება, რომ ჩეხებისა და სლოვაკების გარდა, ყველა ჩაგრული ერები შეადგენდნენ ი რ ე დ ე ნ ტ ა ს, ე. ი. ამ ეროვნებათა ნაწილი მოქცეული იყო სგვა სახელმწიფოებში და სწორეთ ამათვენ ისწრაფვიდნენ ავსტრო უნგრეთის «ჩამონაჭრების»: რუმინელები—რუმინიისაკენ, სირბიელები, ხორვატები, ბოსნიელები და სლოვენები—სერბიისაკენ, იტალიელები—იტალიისაკენ, პოლონელები ელტვოდნენ რუსეთის და გერმანიის პოლონელებთან ერთად დამოუკიდებელ პოლონეთის შექმნას, გალიციელნი კიდევ—რუსეთის უკრაინელებთან ერთად დამოუკიდებელ უკრაინის დაარსებისაკენ. ავსტრიაზე თვალი უჭირათ რუმინიას, სერბიას, იტალიას და რუსეთს—უკრაინელების სახელით. ყველა ამ ეროვნებათა «ჩამონაჭრების» გაგერმანელება რომ შესაძლებელი გამხდარიყო, მათი ეროვნული ცხოვრება ამით არ შეწყდებოდა: ის გაგრძელდებოდა ავსტრო-უნგრეთის ვარეშე. მაშინ როდესაც ჩეხების გაგერმანელება და სლოვაკების გამადაიარება მოასწავებდა ამ ორი ეროვნების საბოლოო სიკვდილს, რადგან ამათ სავსებით ავსტრო-უნგრეთის საზღვრებში მოეყარათ თავი. ამიტომაც იყო, რომ ჩეხები ასე თავგამოდებით იცავდნენ თავის ეროვნულ სახეს, ასეთ მზრუნველობას უწევდნენ ახლად წარმო-

შობილ და განვითარებულ ჩეხურ კაპიტალს, ასეთი ხალისით აბარებდენ შემოწმულ ფულს ჩეხურ ბანკებს, ყიდულობდენ მხოლოდ ჩეხებისაგან და მზათ იყვენ თავი დაედვათ ქუჩებში ან მალაჩიებზე ჩეხურ ენაზე წარწერების გამო. ისინი იბრძოდენ თავიანთ არსებობისათვის, ყოფნა—არყოფნისათვის. დედა ენასთან ერთად მტრის ენის ცოდნაც საშუალებას აძლევდა ჩეხ ინტელიგენტებს შესულიყვენ ყველა სახელმწიფო და სხვა დაწესებულებებში, საცა ორივე ენის ცოდნა იყო საავალდებულო, და დაეკავებიათ იქ გერმანელების ადგილი, რომელიც არ კადრულობდენ ჩეხურის სწავლას. ამ გარემოების წყალობით გადატრიალების დროისთვის ჩეხია სრულიად მომზადებული გამოდგა დამოუკიდებელ სახელმწიფოებრივ არსებობისათვის. მას აღმოაჩნდა წესრიგზე მომუშავე ადმინისტრაციული აპარატი და საუცხოვოთ გაწვრთნილი მოხელეები.

როგორც ჩვენში, ჩეხიაშიაც წარმოიშვა ორი პოლიტიკური ორიენტაცია რომელთა პრაქტიკული მოთხოვნებიანი ჩამოაყალიბა ერთმა და იმავე პირმა, ჩეხიის უდიდესმა განათლებულმა, ისტორიკოსმა პალაკიმ. ვენის 1840 წლის რევოლუციის ხანაში მან წამოაყენა პროექტი ავსტრო-ვენგრიის გადაქცევისა ავტონომიურ ეროვნებათა სახელმწიფოთ. ამ ხანას ეკუთვნის ცნობილი მისი ნაქვამი: «ავსტრია რომ არ ყოფილიყო—საჭირო იქნებოდა მისი გამოგონება» სამოციან წლებში კი პალაკი ამუშავეს ჩეხიის ისტორიულ სახელმწიფოს აღდგენის პროექტს, რომელიც საფუძვლად დაედო ჩეხიის ბურჟუაზიულ პარტიების პროგრამებს. ასეთივე ამბავი მოუვიდა შესანიშნავ უკრაინელ მოღვაწეს მ. პ. დრაგომანოვს, რომელიც ჯერ იცავდა ხალხთა თავისუფალ კავშირს რუსეთის ფარგლებში, ხოლო სიკვდილის წინ კი—უკრაინის სეპარაციას რუსეთისაგან. ჩეხიის სოციალდემოკრატიული პარტია თავის წარმოშობიდანვე უკუაგდებდა თავისი ერის დამოუკიდებლობის დასაბუთებას ძველი პერგამენტების და დრომოქმულ ნორმების საშუალებით. აღიარებდა რა სადღესიო სინამდვილის მოთხოვნილებებზე დაყრდნობის საჭიროებას, ის მოითხოვდა ეროვნებათა ფედერაციულ სახელმწიფოს შექმნას. ისტორია ჩეხიის ისტორიულ სახელმწიფოს აღდგენის გზით წავიდა, მხოლოდ შეუერთა მას სლოვაკები, რომელიც წინათ ჩეხიაში არ შედიოდენ.

დღევანდელ ჩეხოსლოვაკიის ეროვნული შემადგენლობა შემდეგია:

ჩეხები	6.727.408 ე. ი.	49,42 პროც.
სლოვაკები	2.033.529 »	14,94 »
გერმანელები	3.123.568 »	22,94 »
მადიარები	745.431 »	5,48 »
რუსინები	461.849 »	3,39 »
ებრაელები	180.855 »	1,33 »
პოლონელები	75.853 »	0,56 »
დანარჩენები (მომეტებულათ უცხოელები)	264.679 »	1,94 »

სულ . . . 13.613.172 » 100 »

თუ ჩეხებს და სლოვაკებს ერთად ვიანგარიშებთ (სლოვაკები ჩეხურ ეროვნების უეკველ შტოს შეადგენენ), ჩეხოსლოვაკიის სახელმწიფო უნდა ჩავთვალოთ ეროვნულ ტიპის სახელმწიფოთ: თითქმის ორიმესამედი, შემდგარი «ჩეხოსლოვაკურ» ეროვნებისაგან, უპირდაპირდება ყველა დანარჩენ ეროვნებათაგან შემდგარ ერთ მესამედს. ხოლო თუ სლოვაკები ცალკე ეროვნებათ მივიჩნიეთ, ამ შემთხვევაში ჩეხები შეადგენენ უმცირესობას და არ არის არც ჩეხური, არც სლოვაკური და არც ჩეხოსლოვაკური სახელმწიფო, არამედ არის ეროვნებათა სახელმწიფო. მაშინ მართალია ფრიდრიხ ადლერი, რომელიც ამას წინათ სწერდა, რომ ახალი გერმანული ავსტრია იც გაბედნიერდა, რომ თავიდან მოიშორა ეროვნული საკითხი, რომელიც ეხლა არსებით საკითხს შეადგენს სოციალდემოკრატიისთვის ჩეხოსლოვაკიაში, ვინაიდან ეს სახელმწირო არის უქმშარიტი მემკვიდრე ძველი ავსტრიისი. *)

(დასასრული შემდეგ ნომერში)

მოგზაური.

ხაერთამბრისი მუშათა პრფეს. მოძრაობიდან.

ამსტერდამისაკენ. «ბრძოლის» მე-17 ნომერში მკითხველი გაცნო იმ ახალ სულისკვეთებას, რომელიც შეიქმნა იუგოსლავიისა და მთელი ბალკანეთის მუშებში, რაც გამოიხატა მათი ორგანიზაციების პროფინტერნიდან გამოსვლაში და ახალი, პოლიტიკურათ ნეიტრალური და დამოუკიდებლობის ნიადაგზე მდგომი ორგანიზაციების დაარსებაში. იუგოსლავიის მუშათა ორგანიზაციების სახით პროფინტერნი დაკარგა მთავარი ბაზა მთელ ბალკანეთში, სადაც თავს იყრის მისი ინტრიგების ნასკვე.

პროფინტერნის ხელში დაკნინებული კავშირები სულ მცირე დროში გამოცოცხლდნენ, მოღონიერდნენ და ძალათ იქცნენ თავისუფლებისა და დამოუკიდებლობის ნიადაგზე დარაზმვის წყალობით.

სწორეთ იმ დროს, როდასაც ინგლისში დამარცხებული კუკი რუსეთში გასტროლიორობდა, მოსკოველ მეგობრებს პირდებოდა ევროპის ყირამალა ვადატრიალებას და იქ საბჭოთა ძალაუფლების დამყარებას. ჩრდილო-აღმოსავლეთ ევროპაში ჩაეყარა მკვიდრი საფუძველი ექვსი სახელმწიფოს მუშათა პროფ. ორგანიზაციების გაერთიანებას. სკანდინავიის (შვეცია, დანია, ნორვეგია) ძველი მუშათა სინდიკატები დაუკავშირდნენ ბალტიის მხარის (ესტონია, ლატვია, ლიტვა) ნორჩ მუშათა ორგანიზაციებს. ნორვეგიის მუშათა კავშირები რამოდენიმე წლის მწარე გამოცდილების შემდეგ გაეყარნენ პროფინტერნს და მცირე ხნის-ყოფმანის შემდეგ უბრუნდებიან ისევ თავის ძველ ოჯახს, ამსტერდამის ინტერნაციონალს. ნორვეგიელების ზემოაღნიშნულ კონფერენციაში მონაწილეობა არის პირველი და გადამჭრელი ნაბიჯი მათი ამსტერდამში დაბრუნების გზაზე.

კონფერენციაზე, რომელიც მოწვეული იყო ამსტერდამის ინიციატივით, პროფინტერნის ფინელმა მეგობრებმა განაცხადეს სურვილი თათბირზე ენახათ რუსეთის კავშირების წარმომადგენლებიც. მაგრამ ეს სურვილი სურვილათ დარჩა. თათბირმა მიიღო დადგენილება, რომ სკანდინავია-ბალტიის გაერთიანებაში მიიღებიან მხოლოდ ის მუშათა კავშირები, რომლებიც დგანან მუშათა მოძრაობის დამოუკიდებლობის ნიადაგზე ე. ი. იზიარებენ ამსტერდამის გაერთიანების პრინციპს.

დეკემბრის შუა რიცხვებში დაარსდა შეერთებულ შტატებში სპეციალური სხვა და სხვა მუშათა ფედერაციების წარმომადგენელთაგან შემდგარი კომისია. კომისიის პირდაპირ მოვალეობას შეადგენს, აწარმოოს აქტიური ბრძოლა ბოლშევიკური დემაგოგის წინააღმდეგ ამერიკის მუშათა მასებში და ამხილოს მათი დამრღვევი საქმიანობა ყოველგან და ყოველთვის.

ამსტერდამის პასუხი. ამსტერდამის მუშათა ინტ—ლის წინა კონფერენციამ უკმათით უარყო ინგლისური დელეგაციის წინადადება პროფინტერთან საერთო ფრონტის გამართვის შესახებ (წინადადების ავტორებს სახეში ჰქონდათ ამ ორ ორგანიზაციათა წარმომადგენლების კონფერენციის მოწვევა საერთო ენის გამოსახსნავათ).

უქანასკნელ კონფერენციას, რომელიც შესდგა ამსტერდამში 26 თებერვალს. ტრედიუნიონების გენერალურმა საბჭომ მიმართა შეკითხვით. აქვს თუ არა აღნიშნულ დადგენილებას ის აზრი, რომ ამსტერდამის ინტერნაციონალი უარს იტყვის რუსებთან თათბირში მონაწილეობის მიღებაზე იმ შემთხვევაშიაც, თუ რომ ასეთი თათბირის მოწვევას იკისრებს ტრედიუნიონების გენერალური საბჭო.

მუშათა ინტერნაციონალმა ამ შეკითხვაზე შემდეგი პასუხი ვასცა:

მუშათა ინტერნაციონალს მხოლოდ იმ შემთხვევაში შეუძლია მიიღოს მონაწილეობა რუსების პროფკავშირებთან თათბირში, თუ ეს უქანასკნელი მიიღებენ წინდაწინ ამსტერდამის კონსტიტუციას.

კიდევ ერთი უარო კომუნისტებს. საფრანგეთის მუშათა სინდიკატების კონფედერაციამ (სეკეტე) განიხილა და უკუაგდო მისგან კომუნისტების მიერ გამოთიშულ «უნიტარულ კონფედერაციის» წინადადება გაერთიანების შესახებ. «სეკეტემ» ამავე დროს მიმართა «უნიტარულ» ორგანიზაციაში შემავალ სინდიკატებს და ცალკე წვერებს მოწოდებით, რომელშიც ის ამბობს, რომ თვითელ მათგანს შეუძლია დაუბრუნდეს პროვანდელ პროფესიულ გაერთიანებას (სეკეტეს), თუ მას მართლა მთლიანობა აინტერესებს და უნიტარულ ორგანიზაციის კომუნისტურ ხელმძღვანელებით სეკეტეს დარღვევა არ უდევს გულში, როცა გაერთიანებაზე დალადებს.

საფრანგეთის მოსამსახურეთა პროფესიული გაერთიანება (მოსამსახურეთა ფედერაცია), რომელიც აქამდე არც ერთ ეროვნულ გაერთიანებაში არ შედიოდა, თავისი დადგენილების თანახმად, მიღებულ იქნა წევრად მუშათა გენერალურ კონფედერაციაში (სექტე).

ინტერნაციონალიზმი.

3 მარტს პარიზში შესდგა გაერთიანებული სსდრმა სოციალისტურ მუშათა ინტერნაციონალის და ამსტერდამის პროფესიულ ინტერნაციონალის ბიუროებისა. ამსტერდამს წარმოადგენდნენ: მისი თავმჯდომარე უ დ ე გ ე ს ტ ი, ლეონ ჟუო (საფრანგეთი) და შერტენსი (ბელგია). სოციალისტური ინტ-ის მხრით, მისი გენერალური მდივანის ფრ. ადლერის გარდა დაესწრენ წარმომადგენელი: გერმანიის, ინგლისის (დამ. მუშათა პარტიის), პოლანდიის, ბელგიის, საფრანგეთის, რუსეთის, იტალიის, საქართველოს, იუგოსლავიის, ჩეხოსლავაკიის და შვეიცარიის. თავმჯდომარეობდნენ ფრ.-ადლერი და უდევესტი. დილის სსდრმაზე განხილულ იქნა ბალკანეთში წამოჭრილი საშინაო ომის დასრულება. ხოლო საღამოს—მდგომარეობა ჩინეთში. აზრთა გაცვლა-გამოცვლამ ნათელ ჰყო მსოფლიო პროლეტარიატის პოლიტიკურ და პროფესიულ გაერთიანებათა სრული თანხმობა აღნიშნული პრობლემების დაფასებაში და ომის თავიდან ასაცილებლად ზომების გამომუშავებაში. ერთხმად მიღებულ იქნა სამი რეზოლიუცია: იუგოსლავია-იტალია-ალბანეთის საკითხზე, ჩინეთის ამბებზე და ფაშინზე. პირველი რეზოლიუცია მოუწოდებს მუშათა კლასის წარმომადგენელთა სხვა და სხვა ქვეყნებში მიიღონ ყოველივე ზომა, რომ ბალკანეთში წამოჭრილი კონფლიქტი საიდუმლო დამპყრობატიის გავლენის სფეროდან გადატანილ იქნას მოსაგვარებლად ერთა ლიგაში, რათა მის ირგვლივ ატეხილი დავა გახდეს საჯარო განხილვის და მსჯელების საგანი. ერთა ლიგამ უნდა იხელმძღვანლოს ალბანეთის დამოუკიდებლობის პრინციპით და ააცილოს მას იტალიის ან იუგოსლავიის პროტექტორატი. ამ მიზნის მისაღწევად სსდრმა ავალებს მუშათა კლასის პარტიებს და ორგანიზაციებს ყველა ქვეყნებში გავლენა მოახდინონ როგორც მთავრობებზე—პარლამენტარული გზით, აგრეთვე საზოგადოებრივ აზრზე პრიპაგანდა-აგიტაციის საშუალებით, რათა უკუგდებულ იქნას საიდუმლო დიპლომატია და მისი ადგილი დაეთმოს ერთა ლიგის საჯარო მოქმედებას და გავლენას.

მეორე რეზოლიუციაში გაერთიანებული სსდრმა აღიარებს მსოფლიო პროლეტარიატის სოლიდარობას და თანაგრძობას ჩინეთის ხალხისადმი, რომელიც ბრძენის ფედერალურ რეჟიმის დასახმობად, თავისი ეროვნული მთლიანობის დასამყვიდრებლად დემოკრატიულ ნიადაგზე და უცხო ძალთაგან თავისი პოლიტიკური, ფინანსური და სოციალური დამოუკიდებლობის მოსაპოვებლად. სსდრმა მოუწოდებს მუშათა პარტიებს და ორგანიზაციებს მოითხოვონ სათანადო მთავრობათაგან ჩინეთში უცხოელების პრივილეგიების და კონცესიების რეჟიმის გაუქმება, იქიდან უცხო ჯარების და ფლოტების გაწვევა, ქვეყნის სუვერენების და დამოუკიდებლობის ცნობა და ამ ნიადაგზე ეროვნულ მოძრაობასთან მოლაპარაკების გამართვა ომის თავიდან ასაცილებლად. მესამე რეზოლიუცია ამხელს ფაშინის რეაქციონერ და იმპერიალისტურ როლს საერთაშორისო პოლიტიკაში.

ინტერნაციონალის საანკეტო კომისია. 4 აპრილს პარიზშივე შეიკრიბა სოც. მუშათა ინტ-ის გაფართოებული ბიურო. სსდრმის მთავარი საგანი იყო სამისო მოწოდების საბოლოო ტექსტის მიღება. რის შემდეგ ბიურომ განიხილა საკითხი პოლიტიკური დევნისა სხვადასხვა ქვეყნებში. ბიურომ მიიღო რეზოლიუცია, რომელიც მსოფლიო დემოკრატიის ყურადღებას მიაქცევს გაფაშინებულ ლიტვაში სოციალისტ ტყვეების ბედს, რომელთაც სამხედრო სასამართლო ემუქრება, აგრეთვე სასტიკ პროტესტს აცხადებს უნგრეთის მთავრობის მიერ წარმოებულ ტერორის წინააღმდეგ.

დაბოლოს, ბიურო დაუბრუნდა ეკსეკუტივის მიერ მიღებულ დადგენილებას შესახებ საანკეტო კომისიის გავზავნისა რუსეთში და საქართველოში პოლიტიკურ დევნის საკითხის შესასწავლად. (იხ. «ბრძოლა» № 19-20.) მიღებულ იქნა პრინციპი, რომლის თანახმად უნდა იქნას შედგენილი კომისია. მის საბოლოო შედეგამდე კი მისი საქმეები მიენდა დებრუიკერს (ბელგია) და კრისპინს (გერმანია). ყოველივემასალა უნდა გაიგზავნოს, ციურისში, სეკრეტარიატის სახელზე.

პარტიული გზავრება უცხოეთში.

სილიბისტრო ჯიბლადის გარდაცვალების მე-5 წლისთავი ჩვენი პარტიის პარიზელმა ჯგუფმა აღნიშნა საგანგებო შეკრებულებით, რომელსაც პარიზში და მიდამოებში მყოფ ყველა ჩვენ ამხანაგებს გარდა დაესწრენ საქ. სოც. ფედ. პარტიის ადგილობრივ ჯგუფის წევრებიც. სამგლოვიარო შეკრებულება გახსნა მოკლე, მაგრამ ფრიად გრძნობიარე სიტყვით აშხ. კალე ქავთარაძემ. შემდეგ პარტიის ბელადმა, ნოე ჟორდანიამ, მოგვითხრო თავისი თანამებრძოლის და მეგობრის ცხოვრება-ბრძოლა, საოცარის სიმარტივეთ დაგვიხასიათა სილიბისტროს დიადი ბუნება, რომელშიც პარმონიულად იყო შეზავებული შეუდრეკელი მებრძოლის ფოლადისებური ნებისყოფა და დაუდარომელი ენერჯია სიყვარულით აღსავსე, ნახ. გრძნობიარე გულთან და მალალ, უმწიკვლო ზნეობასთან; ეს პირადი მოგონებების სახით მოთხრობილი დახასიათება გასაგებ მღელვარებას გვრიდა ორატორს და მისი მღელვარება ედებოდა მთელ აუდიტორიას. შემდეგ მოკლე სიტყვაში აშხ. რაქდენ არსენიძემ დაასურათა პარტიაში ყველაფერზე და ყველასათვის მზრუნავი. ყველას ჰირ-ვარამის გამკითხავი სილიბისტრო, რომელიც იყო თვითელ პარტიულ მუშაკისათვის არა მარტო პარტიული ხელმძღვანელი, არამედ ზნეობრივი მასწავლებელი და ჰირისუფალი, ბლოს. ჩვენმა გაქალარებულმა, მაგრამ მუდამ ქაბუკმა ვლასამ მგელაძემ თავისი მრავალფეროვანი და მოქარგული ფნით, პოეტური შთაგონებით და მჩქეფარე-ჯადონსური გრძნობით გააცხოველა დამსწრეთა წარმოდგენაში უკვდავი სახე სილიბისტროსი, რომელმაც შესძლო დიადი რევოლიუციონერი და თანამედროვე იდეალებისათვის მებრძოლი გამბდარიყო იმიტომ, რომ ის იყო უპირველეს ყოვლისა დიადი ქართველი, აღმოცენებული თავისი ერის დიადი წარსულის და მისი თანამედროვე მოთხოვნილებების ნიადაგზე. თავისი წარმტაცი სიტყვა ვლასამ დაამთავრა ჩვენ ჟურნალის წინა ნომერში დაბეჭდილი თავისი ლექსით. ამით დასრულდა სამგლოვიარო შეკრებულება, რომელიც გულწრფელ და ინტიმურ გლოვის გრძნობით იყო აღბეჭდილი.

პარტიულ სასამართლოს და დგენილებას. ს.-დემ. პარტიის პარიზის ორგანიზაციის საზოგადო კრებას 27 თებ. სხვა საკითხთა შორის მოხსენდა დადგენილება პარტიულ სასამართლოსი, რომელიც შესდგა ორგანიზაციის ინიციატივით აშხ. ისიორე ქარსელაძის და აშხ. მეხუზლას საქმეზე. აი ამ დადგენილების ტექსტი:

პარტიულმა სასამართლომ, შემდგარმა თანახმად პარიზის ს. დ. ორგანიზაციის დადგენილებისა, განიხილა ვაზეთ «კომუნისტში» გამოქვეყნებული აშხ. პორფირე მეხუზლას და ისიდორე ქარსელაძის წერილები, აგრეთვე მოისმინა როგორც დასახლებული ამხანაგების, ისე კომიტეტის წარმომადგენელთა სიტყვიერი განმარტებანი, — და მიიღო რა მხედველობაში:

1. წერილები კერძო ხასიათისა და ავტორთ აზრათ არ ქონიათ მათი გამოქვეყნება, თუმცა აშხ. მეხუზლამ იცოდა, როგორც სჩანს მის მიერ თფილისში გაგზავნილ წერილიდან, უკანასკნელის მტრის ხელში ჩავარდნის შესაძლებლობა; მეხუზლას წერილები ვასცეს ყოფილმა ამხანაგებმა, ხოლო ქარსელაძის ამხანაგისადმი მიმართული წერილები, ავტორის სურვილის წინააღმდეგ, მტრმა ჩაიგდო ხელში და მათი გამოქვეყნების სამარცხვინო ბოძე გააკრა თავის თავი.

2. მეხუზლას და ქარსელაძის წერილებში მოყვანილ ფაქტების ერთი ნაწილი არ არის მთელის სისწორით გადმოცემული და მიუდგომლათ დაფასებული, ხოლო ზოგიერთ ფაქტებს სულაც არ ქონია ადგილი, თუმცა ავტორთ არ ეტყობათ ყველა ამებების წინასწარი მოფიქრებით ჩადენა; ტონი წერილებისა, განსაკუთრებით ქარსელაძის, არ არის ამხანაგური და მიუღებელია პარტიულ ურთიერთობაში;

3. მეხუზლას მიერ თფილისში გაგზავნილი წერილი საგრძნობლათ თავშეკავებულია მის მიერ პრალაში გაგზავნილ წერილთან შედარებით; მაგრამ პირველშიც, ისე, როგორც განსაკუთრებით მეორეში, არის ისეთი დაუშვებელი ადგილები, როგორც მაგ. ორგანიზაციის «ერთი ნაწილის», თუმცა დაუსახლებლად — «ფაშისტებათ» მონათვლა.

4. აშხ. მეხუზლა და ქარსელაძე თვითონაც არ უარყოფენ, რომ მათი წერილების გამოქვეყნებას ზიანის მოტანა შეეძლო პარტიისათვის და მთელი ჩვენი საქმისათვის; უტყუარია, რომ მტერმა მართლაც სცადა, თუმცა უნაყოფო, მათი გამოყენება თა-

ვის გასერილი მიზნისათვის, რომელიც მდგომარეობდა იმაში, რომ სრულიად ნებრივი დისკუსია პარიზის ს. დ. ორგანიზაციაში, უკანასკნელის ვითომ დაშლად გასაღებია ადგილობრივ და მით ერთგვარი მერყეობა შეეცანა ს. დ. წრეებში;

5. ამხ. მეზუზლა და ქარსელაძე აცხადებენ: რომ მათი კერძო წერილების «კომუნისტის» მიერ გამოქვეყნება სხვებზე უფრო მათ აწუხებთ; რომ ისინი იყვნენ და არიან დამოუკიდებლობის იდეის ერთგულნი და საქართველოს დემოკრატიულ რესპუბლიკის ეროვნულ მთავრობაში ხედავენ ქართველი ერის მედროშეს; მათი ხვედრი: სამშობლოსა, მშობლებსა და წვრილ ცოლშვილს დაშორება ამასვე მოწოდს. ქარსელაძე, ამას გარდა, აცხადებს, რომ ის სწერდა თავის წერილებს ნაჩქარევით და ფაქტების შეუმოწმებლად;

6. ამხ. მუხუზლას და ქარსელაძის წერილები შედგენილია პარიზის ს.-დ. ორგანიზაციაში მომხდარ დებატების დროს, რასაც არ შეეძლო გავლენა არ ქონებოდა რეგორც შინაარსზე, ისე ტონზე და ეს მით უფრო, რომ ისინი ორგანიზაციის უმცირესობას ეკუთვნიან!

და დავინა: გამოეცხადოს ამხ. პორ. მეზუზლას და ის. ქარსელაძეს საყვედური და გაფრთხილება იმის გამო, რომ მათ ანგარიში არ გაუწიოს პარტიისა და ერის სრულიად განსაკუთრებულ მდგომარეობას და დაუშვებელი წინდაუხედველობა გამოიჩინეს, როცა გზავნიდენ, თუმცა კერძოთ და წინასწარ მოუფიქრებლად, ხევით აღნიშნულ წერილებს.



წ ე რ ი დ ი თ ე დ ა ქ ე ი ს მ ი ძ ა რ თ .

საქართველოს სოც.-დემოკრ. მუშ. პარტიის ოდენკურის ორგანიზაციის ბიურო გთხოვთ მოათავსოთ «ბრძოლის» უახლოვეს ნომერში შემდეგი ჩვენი განცხადება:

როგორც ჩვენ შევიტყვეთ საქართველოში გავრცელებულა ხმები, ვითომც კრისტეფორე იმნაიშვილი არ იყოს ჩვენს რიგებში.

ოდენკურის ორგანიზაციის ბიურო კატეგორიულად უარყოფს ამ ხმებს. მწუხარებას გამოსთქვამს მათი გავრცელების გამო და აცხადებს, რომ ამხ. ქრ. იმნაიშვილი ისევე მტკიცედ სდგას ჩვენი ორგანიზაციის რიგებში; როგორც ის იდგა საქართველოში. ოდენკურის ორგან. ბიუროს თავმაჯ. ნ. ნახიძე, მდივანი შ. ქეიშიძე.

31 იანვარი 1927 წელი.

«ბ რ ძ ე ლ ი ს » მ ე ვ ი თ ხ ვ ე ლ თ ა ს ა ყ უ რ ა დ ე ჯ ე მ ბ თ .

რედაქცია სთხოვს მკითხველთ რომელთაც ამის შემლება აქვთ, მოაწოდონ მას საჩქაროთ ეურნალოში აღნიშნულ მისამართით ყოველგვარი ცნობები საქართველოში ციხე-ჩეკაში დატუსალებულ ან რუსეთში გადასახლებულ ქართველ პოლიტიკურ ტყვეების შესახებ: ტყვეების ან გადასახლებულების ვინაობა (გვარი და სახელი, რომელ პარტიას ეკუთვნის), ტყვეობის ან გადასახლების ადგილი, როდის დაატყვევეს ან გადასახლეს, რა პირობებში იმყოფებიან და სხვ. რედაქცია სთხოვს აგრეთვე ციხე-ჩეკაში ან გადასახლებაში ნამყოფ ამხანაგებს მოაწოდონ მას ტყვეობის და გადასახლების მოგონებანი.

Rédaction et Administration:
M-r. D. Charachidzé.

Le Gérant: G. - A. Bernard.

8, Cité Rondelet, Montrouge (Seine)

Imprimerie A. Lejeune 95, Grande Rue. Arpajon (S. et. O.)